


文献通考

三百五之三十八

十九



漢	一	一	一	一	一
書	二	二	二	二	二
門	五	五	五	五	五
類	六	六	六	六	六
架	八	八	八	八	八
函	號	號	號	號	號
冊	一	一	一	一	一
號	〇	〇	〇	〇	〇

庫	文	閣	內
元	二	一	漢
和	五	五	書
函	六	六	門
千	八	八	類
七	號	號	架
十	冊	冊	函
一	號	號	冊
十	〇	〇	號
七	〇	〇	冊
十	〇	〇	號
一	〇	〇	冊

內閣文庫	
番號	漢 11568
冊數	100 ( 89 )
函號	294 1





藏書印

文獻通考卷之三百五

淺草又庫

宋鄱陽馬端臨貴與者

物異考 恒寒 明斬陽馮天馭應房校刊

春秋桓公八年十月雨雪周十月今八月也未可以雪劉向以

為時夫人有淫齊之行而桓有妬媚之心師古曰謂夫妬也音莫報反夫

人將殺其象見也師古曰謂桓公桓不覺寤後與夫人俱如齊而殺

死凡雨陰也雪又雨之陰也出非其時迫近象也董仲舒以為

象夫人專恣陰氣盛也

定公元年十月陰霜殺菽菽大劉向以為周十月今八月也陰

氣未至君位而殺誅罰不由君出在臣下之象是時季氏逐昭

公公死于外定公立故天見災僖公二年十月陰霜不殺草為

嗣君微失秉事之象也其後卒在臣下則災為之生矣異故言

物異 恒寒



草災故言菽重殺穀以其重於殺草也一曰菽草之難殺者也言殺菽

知草皆死也言不殺草知菽亦不死也董仲舒以為菽草之疆

者天戒若曰加誅於疆臣言菽以微見季氏之罰也

周考王六年六月秦雨雪

威烈王四年四月晉大雨雪

秦始皇初即位尚幼委政太后太后淫於臣不韋及嫪毐嫪毐即

毒鳥封毒為長信侯以太原郡為毒國宮室苑囿自恣政事斷

焉故天冬雷以見陽不禁閉以涉危害舒與迫近之應也始皇

既冠毒懼誅作亂始皇誅之斬首數百級大臣二十人皆車裂

以殉夷滅其宗遷四千餘家於房陵是歲四月寒民有凍死者

數年之間緩急如此寒燠輒應此其效也劉歆以為大雨雪及

未當雨雪而雨雪及大雨雪隕霜殺菽皆常寒之罰也京房身

傳曰有德遭險茲謂逆命厥異寒誅過深當燠而寒盡六日亦

為雹害正不誅茲謂養賊寒七十二日殺菽禽道人始去有道

去茲謂傷其寒物無霜而死涌水出戰不量敵茲謂辱命其寒

雖雨物不茂聞善不予厥咎孽

漢文帝四年六月大雨雪後三年淮南王長謀反發覺遷道死

師古曰遷於蜀未至京房身傳曰夏雨雪戒臣為亂而死於秦故曰道死

景帝中六年三月雨雪其六月匈奴入上郡取苑馬吏卒戰死

者二千餘人明年條侯周亞夫下獄死

武帝元狩元年十二月大雪民多凍死是歲淮南衡山王謀

反發覺皆自殺使者行郡國治黨與師古曰行音下更反坐死者數萬人

元鼎二年三月雪平地厚五尺是歲御史大夫張湯有罪自殺

丞相嚴青翟坐與三長史謀陷湯師古曰謂朱買為丞相長史王朝及邊通皆守丞相長

史青翟自殺三長史皆棄市

元鼎三年三月水冰四月雨雪關東十餘郡人相食是歲民不



占緡錢有告者以半界之言政急刻也

元光四年四月隕霜殺草木先是二年遣五將軍三十萬衆伏馬邑下欲襲單于單于覺之而去自是始征伐四夷師出三十餘年天下戶口減半京房易傳曰興兵妄誅茲謂亡法厥災霜夏殺五穀冬殺麥誅不原情茲謂不仁其霜夏先大雷風冬先雨乃隕霜有芒角賢聖遭害其霜附木不下地佞人依刑茲謂私賊其霜在草根土隙間不教而誅茲謂虐其霜反在草下元鼎二年三月大雨雪

元帝永光元年三月雨雪隕霜殺桑九月二日隕霜殺稼天下大饑時中書令石顯用事專權與春秋定公時隕霜相應建昭二年十二月詠楚地大雪深五尺是歲京房張博為石顯所譖死

四年三月雨雪燕多死是日皇后親蠶疾風自西北大寒雨雪

壞敗其功

陽朔四年四月雨雪燕雀死後二年許皇后自殺

王莽天鳳元年四月隕霜殺草木

三年二月大雨雪關東尤甚深者一丈竹柏皆枯

四年八月大寒百官人馬有凍死者

地皇二年秋隕霜殺菽

後漢靈帝光和六年冬大寒北海東萊琅邪井中冰厚尺餘素

松書曰時羣賊起天下始亂識曰寒者小人暴虐專權居位無道有位適罰無法又殺無罪其寒必暴殺

獻帝初平四年六月寒風如冬時帝流遷失政右扶風電如斗

素山松書曰電殺人前後雨電此最為大時天下潰亂

吳孫權嘉禾三年九月朔隕霜傷穀按劉向說誅罰不由君

出在臣下之象也時校事呂壹專作威福與漢元帝時石顯

用事隕霜相應



四年七月雨雹又隕霜

赤烏四年正月大雪平地深三尺鳥獸死者大半是年夏全  
琮等四將軍攻略淮南襄陽戰死者十餘人其後權以讒邪  
數責讓陸議議志致卒與漢景武大雪同事

晉武帝泰始九年四月隕霜時賈充親黨比周用事與魯定公  
漢元帝時隕霜同應

咸寧三年八月平原安平上黨泰山四郡霜害三豆是月河間  
暴風寒水郡國五隕霜傷穀是後征吳及討涼州賊 六月汲  
郡廣平陳留滎陽雨雹隕霜傷秋麥千三百餘頃

太康元年三月河東高平霜雹傷桑麥  
二年三月河東隕霜害桑

五年九月南安大雪折木

六年三月齊郡臨淄等四縣樂安等八縣琅邪等八縣河間等

六縣高陽等四縣隕霜傷桑麥

八年四月齊國天水二郡隕霜

九年四月隴西隕霜

十年四月郡國八隕霜

惠帝元康六年三月東海雨雪殺桑麥

七年七月秦雍二州隕霜殺稼

九年三月河南滎陽潁川隕霜傷禾

光熙元年閏八月霰雪劉向曰盛陽雨水湯執陰氣脅之則轉  
而為霰盛陰雨雪凝滯陽氣薄之則散而為霰今雪非其時此  
聽不聰之應是年帝崩

明帝太寧三年三月丁丑雨雪癸巳隕霜

咸和九年八月成都大雪是歲李雄死

康帝建元元年八月大雪時政在將相陰氣盛也劉向曰凡雨



陰也雪又雨之陰也出非其時迫近象也

穆帝永和三年八月其方大雪人馬多凍死

十年五月涼州雪明年張祚護軍張瓘廢祚更立玄靚京房易傳曰夏雪武臣為亂

十一年四月霜

安帝義熙五年三月己亥雪深數尺

梁武帝天監三年三月六年三月並隕霜殺草京房易傳曰興

兵妄誅謂凶法厥罰霜是時大發卒拒魏兵於鍾離連兵數歲

普通三年三月大雪平地三尺雨陰也雪又陰妾不妾臣不臣

之應時義州刺史文僧朗以州叛于魏臣不臣之應也

大同三年六月朔山隕霜 七月青州雪害苗稼時交州刺史

李贲舉兵反僭號擊之不克

十年十二月大雪平地二尺時邵陵王綸湘東王緝武陵王

諸任人主頗為驕恣皇太子甚惡之帝不能抑損及侯景之

亂諸王擁疆兵不勤王委棄君父自相屠滅國竟以亡

陳宣帝太建十年八月隕霜殺稻菽時大興師與周師相拒

於呂梁

東魏靜帝興和二年五月大雪時神武作宰發卒十餘萬築鄴

城百姓怨思

武定四年二月大雪人畜凍死相望於道時步落稽舉兵反寇

亂數州人多死亡又爾朱文暢等誣害神武事泄伏誅黨與多

濫死

後齊武成河清元年歲大寒讖曰殺無罪其寒必異時帝淫於

文宣李氏又殺其子寃酷之應

二年二月大雪連月南北千餘里平地數尺繁霜晝下時突厥

可汗與周師入并州殺掠吏人不可勝紀



後主天統二年大雪 三年正月又大雪平地二尺 武平三年正月又大雪時馮淑妃陸令萱內制朝政陰氣積盛故天變屢見

唐高宗顯慶四年二月壬子大雨雪方春少陽用事而寒氣脅之古占以為人君刑法暴濫之象近常寒也

咸亨元年十月癸酉大雪平地三尺人多凍死

儀鳳二年五月丙寅高宗在九成宮霖雨大寒兵衛有凍死者開耀元年冬大寒

武后久視元年三月大雪

中宗神龍元年三月乙酉睦州暴寒且冰

玄宗開元二十九年九月丁卯大雨雪大木偃折

代宗大曆四年六月伏日寒

德宗貞元元年正月戊戌大風雪寒丙午又大風雪寒民飢多

凍死者

十二年十二月大雪甚寒竹栢柿樹多死占曰有德遭陰

暴寒

十九年三月大雪

二十年二月庚戌始雷大雨雹震電大雨雪既雷則不當雪陰

陽也如魯隱公之九年

憲宗元和六年十二月大寒

八年十月東都太寒霜厚數寸雀鼠多死

十二年九月己丑雨雪人有凍死者

十五年八月己卯同州雨雪害稼

穆宗長慶元年二月海州海水冰南北二百里東望無際

文宗大和六年正月雨雪踰月寒甚

九年十二月京師苦寒



武宗會昌三年春寒大雪江左尤甚民有凍死者

懿宗咸通五年冬隰石汾等州大雨雪平地深五尺

昭宗景福二年二月辛巳曹州大雪平地二尺

天復三年三月浙西大雪平地三尺餘其氣如煙其味苦 十

二月又大雪江海冰

天祐元年九月壬戌朔大風寒如仲冬浙東浙西大雪吳越地

氣常燠而積雪近常寒也

霜

唐太宗貞觀元年秋霜殺稼京房易傳曰人君刑罰妄行則天

應之以隕霜

三年北邊霜殺稼

高宗永徽二年綏延等州霜殺稼

調露元年八月邠慶寧涇原五州霜

證聖元年六月睦州隕霜殺草吳越地燠而盛夏隕霜昔所未有

四年四月延州霜殺草四月純陽用事象人君當布惠于天下

而反隕霜是無陽也

玄宗開元十二年八月濫綏等州霜殺稼

十五年天下州十七霜殺稼

憲宗元和二年七月邠寧等州霜殺稼

九年三月丁卯隕霜殺桑

十四年四月淄青隕霜殺惡草及荆棘而不害嘉穀

敬宗寶曆元年八月邠寧等州霜殺稼

太和三年秋京畿奉先等八縣早霜殺稼

宣宗大中三年春隕霜殺桑

僖宗中和元年春霜秋河東旱霜殺稼

五

文獻通考卷三百五

七



宋太祖建隆三年春延寧二州雪盈尺溝洫復冰草木不華丹  
州雪二尺許 棧州厭次縣隕霜殺桑民不蠶

太宗太平興國七年三月宣州霜雪害桑稼

雍熙七年冬南康軍大雨雪江水冰勝重載

端拱元年閏五月鄆州風雪傷麥

淳化三年三月商州霜花木皆死 九月京兆府大雪殺苗稼

四年三月商州大雪民多凍死

真宗咸平四年三月丁丑京師及近畿諸州風雪損桑

景德四年七月滑州瓦亭寨早霜傷稼

大中祥符九年十一月大名府澶州相州並霜害稼

天禧元年十二月京師大雪苦寒人多凍死路有僵尸遣中使  
燿之四郊

二年正月永州大雪六晝夜方止江溪魚皆凍死

至和元年六月京師大雪貧弱之民凍死者甚衆

二年河東自春至夏隕霜殺桑

嘉祐四年正月自冬雨雪泥塗盡冰都民飢寒死於道路者甚  
衆

哲宗元祐二年冬京師大雪連月至春不止久陰常寒罷上元  
節游幸降德音諸道

八年十一月京師大雪多流民

元符二年正月甲辰朔御大慶殿受朝賀以雪罷

徽宗政和三年十一月大雨雪連十餘日不止平地八尺餘冰

滑人馬不能行詔許百官乘輜入朝飛鳥多死

七年十二月大雪詔收養内外乞丐老幼

靖康元年閏十二月大雲盈三尺不止天地晦冥或雪未下時

陰雲中有雪絲長數寸墮地



二年正月丁酉大雪天寒甚地冰如鏡行者不能定立是月乙卯車駕在青城大雪數尺人多死

高宗建炎三年六月久陰霖雨而寒京房謂害正不誅茲謂養賊後連誅叛將

紹興元年二月寒食日雪

七年二月霜殺桑稼

十三年三月雪

二十八年三月雨雪

三十一年正月戊午大雨雪至亥逾旬不止禁旅壘舍有厭者時久雪寒甚

孝宗乾道元年三月暴寒苗稼多凍死

二年春大雨寒至于三月損替麥京房以為聞善不予其寒雖雨物不茂

六年夏五月大風雨寒稼多腐敗

淳熙十二年淮水冰斷流與唐志長慶海水同占 十二月大

雪至明年正月或雪或霰或雹或雨水或冰沍尺餘連日不解

台州雪深丈餘民凍死

十六年四月戊子成州天水縣大雨雪麥皆凍死 七月階成

鳳西和四州霜殺稼盡與漢冰光夏霜同占

光宗紹熙元年三月留寒至立夏不退

二年正月行都大雪積沍河水厚尺餘寒甚是春雷雪相繼凍

雨彌月

三年九月丁未和州隕霜連三日殺稼是月淮西郡國稼皆蕭

於霜民大飢

寧宗慶元六年五月亾暑氣如凜秋

嘉定六年六月亾暑夜寒與京房當燠而寒同占



雹 木冰 冰花

劉向以木冰為木不曲直唐志以冰花為華孽愚按木不曲直與華孽者皆花木失其常性而為妖者也若木冰乃寒脅木而成冰則妖不在木也冰花乃冰有異而結花則妖不在花也故以與雹同類而附恒寒之後云

春秋成公十六年正月雨水冰劉歆以為上陽施不下通下陰施不上達故雨而木為之水券音紛氣寒木不曲直也劉向以為冰者陰之盛而水滯也木者少陽貴臣卿大夫之象也此人將有害則陰氣脅木木先寒故得雨而冰也時叔孫僑如出奔公子偃誅死僑如淫謀作亂出奔一曰時晉執季孫行父又執公此執辱之異晉信僑如之謀故誅或曰今之長老名木冰為木介介者甲甲兵象也是歲晉有陽陵之戰楚王傷目而敗屬常雨也釐公二十九年秋大雨雹劉向以為盛陽雨水溫暖而湯熱陰

氣脅之不相入則轉而為雹盛陰雨雪凝滯而冰寒陽氣薄之

不相入則散而為霰師古曰霰雨雪雜下音先見反故沸湯之在閉器而湛於

寒泉則為冰孟康曰牧湯器中以沈寒泉而成也師古曰湛讀曰沈及雪之銷亦冰解而

散此其驗也故雹者陰脅陽也春秋不書霰者猶月食也釐公

末年信用公子遂遂專權自恣將至於殺君故陰脅陽之象也

釐公不寤遂終專權後二年殺子赤立宣公師古曰公子遂東門襄仲也赤文公

太子即左氏傳曰聖人在上無雹雖有不為災說曰凡物不為

災不書書大言為災也凡雹皆冬之愆陽夏之伏陰也師古曰愆過也

過陽冬溫也伏陰夏寒也

昭公三年大雨雹是時季氏專權脅君之象也昭公不寤後季

氏卒逐昭公

漢武帝元鼎三年夏四月大雨雹

元封三年十二月雷雨雹大如馬頭

物異 恒集 文大通考卷二百五 十 崇禎三年重刊



宣帝地節四年五月山陽濟陰雨雹如鷄子深二尺五寸殺二十餘人蜚鳥皆死其十月大司馬霍禹宗族謀反霍皇后廢王莽天鳳元年七月雨雹殺牛羊

後漢和帝永元五年六月郡國三雨雹大如雞子春秋考異傳曰陰氣之專精凝合生雹雹之為言合也以妾為妻大尊重九女之如聞而不御坐不離前無由相去之心司與參駟房任之內歡欣之樂專政夫人施而不傳陰精凝而見滅易識曰凡雹者過由人君惡聞其過抑賢不易內與邪人通取財利蔽賢施之並當雨不雨故反是時和帝用酷吏周紆為司隸校尉刑誅深刻古今注曰武帝建武十年十月戊辰樂浪上谷雨雹傷稼十二年河南平陽雨雹大如杯壞敗吏民屋舍十五年十二月乙卯鉅鹿雨雹傷稼永平三年八月郡國十二雨雹傷稼十年郡國十八或雨雹蝗易緯曰復雹者治道煩苛縣役急促教令數變無有常法不救為兵彊臣謀逆蝗虫傷穀救之舉賢良爵有功務寬大無誅罰則災除

安帝永初元年雨雹

二年雨雹大如雞子

三年雨雹大如鴈子傷稼劉向以為雹陰脅陽也是時鄧太后

以陰專陽政

元初四年六月戊辰郡國三雨雹大如杆杯及雞子殺六畜注曰樂安雹如杆殺人京房占曰夏雨雹天下兵大作

延光元年四月郡國二十一雨雹大如雞子傷稼是時安帝信

讒無辜死者臣昭按尹敏傳是歲河西大雨雹如斗安帝見孔季彥問其故對曰此皆陰乘陽之徵也今貴臣擅

三年雨雹大如雞子古今注曰順帝永建五年郡國十二雨雹六年郡國十二雨雹傷秋稼

桓帝延熹四年五月己卯京都雨雹大如雞子是時桓帝誅殺

過差又寵小人

七年五月己丑京都雨雹是時皇后鄧氏僭侈驕恣專幸明年

廢以憂死其家皆誅

靈帝建寧二年四月雨雹

四年五月河東雨雹



光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一

光武皇帝本紀卷之五十一  
光武皇帝本紀卷之五十一  
光武皇帝本紀卷之五十一



六年六月滎陽汲郡鴈門雨雹

九年正月京都大風雨雹發屋拔木

惠帝元康二年八月沛及蕩陰雨雹

三年四月滎陽雨雹 六月弘農湖城華陰又雨雹深三尺時

賈后凶淫專恣與春秋魯桓公夫人同事陰氣盛也

五年六月東海雨雹深五寸 十二月丹陽建鄴雨雹

七年五月魯國雨雹

九年五月雨雹

永寧元年七月襄城河南雨雹 十月襄城河南高平平陽又

風雹折木傷稼

元帝太興二年三月丁未成都風雹殺人

三年二月辛未雨水後二年周凱等遇害是陽施不下通也

三月海鹽雨雹時王敦陵上

二年四月京都大雨雹雀死

三年四月大雨雹是年帝崩有蘇峻之亂

成帝咸和六年三月雨雹時幼弱政在臣下

咸康二年正月皇后見於太廟其夕雨雹

穆帝永和五年六月臨漳暴風震電雨雹大如升

八年正月乙巳雨水冰是年殷浩北伐明年軍敗十年廢黜

海西太和三年四月雨雹折木

孝武太元二年四月雨雹

十二年四月己丑雨雹

十四年十二月乙巳雨水冰明年王恭庾楷殷仲堪居外藩與

王國寶等構怨終同夷滅

二十五年五月上虞雨雹

二十一年四月雨雹是歲帝暴崩



安帝隆安二年三月雹

三年四月江陵雨雹是時安帝蒙塵

義熙元年四月雨雹

六年五月溧陽雨雹九月廣陵雨雹

七年五月雨雹

八年四月六月皆雨雹

十年四月雨雹

石勒時雹起西河界山大如雞子平地三尺濇哀都下丈餘

行人禽獸死者萬數歷太原樂平武鄉趙郡廣平鉅鹿千餘

里樹木摧折禾稼蕩然勒正服于東堂以問光曰歷代以

來有斯災幾也光對曰周漢魏晉皆有之也

明王未始不為變所以敬天之怒也去年食介推祠

之神也歷代所尊或者以為未宜替也

之虧况羣神怨憾而不怒動上帝乎縱不能令天下同爾介

山左右晉文之所封也宜任百姓奉之勒下書曰寒食既并

州之舊風朕生其俗不能異也前者外議以子推諸侯之臣

王者不應為忌故從其議倘或由之而致斯災乎子推雖朕

鄉之神非法食者亦不得亂也尚書其促檢舊典定議以聞

有司奏以子推歷代攸尊請普復寒食更為植嘉樹立祠堂

給戶奉祀勒黃門郎韋謏駁曰按春秋藏冰失道陰氣發泄

為雹自子推已前雹者復何所致此自陰陽乖錯所為耳且

子推賢者曷為暴害如此求之宜趣必不然矣今雖有冰室

懼所藏之冰不在固陰沍寒之地多皆川池之側氣泄為雹

也以子推忠賢令縣介之間奉之為久於天下則不通矣勒

從之於是遷冰室於重陰凝寒之所并州復寒食如初

宋文帝元嘉十八年二月雨雹

物異

天象

卷三

七



梁武帝中大通元年四月大雨雹洪範五行傳曰雹陰脅陽之象時帝數捨身為教

陳宣帝大建二年六月大雨雹十年四月又大雨雹時始興王叔陵驕恣帝又寵遇之後卒為

亂東魏孝靜武定四年冬天雨木冰時司徒侯景專制河南神武

薨其舉兵反慕容紹宗討平之

後齊後主天保元年用木冰三日時清河王岳為高歸彥所譖

憂死武平元年冬雨木冰明年二月又雨木冰時錄尚書事和士開

專政琅邪王儼矯詔殺之儼尋遇害六年七月頻歲雨水冰其年周師入晉陽

唐永徽二年十一月甲申陰霧凝凍封樹木數日不解劉向以

為木少陽貴臣象此人將有害則陰氣脅水先寒故得

亦謂之樹介兵象麟德元年十二月癸酉紛霧終日不解甲戌雨水冰

儀鳳三年十一月亦如之延載元年十月癸酉白霧木冰

景龍四年三月雨水冰開元二十九年十一月雨水冰寒甚數日不解

永泰元年三月雨水冰大曆二年十一月紛霧如雪草木冰

貞元元年十二月雨水冰二十年冬雨水冰

長慶三年十一月雨水冰寶曆元年十一月雨水冰



太和七年十二月夜霧木冰

開成四年九月雨雪木冰

會昌元年十二月雨木冰

四年正月木冰

景福中滄州城墜中冰有文如畫大樹華葉芬敷者時人以為地當有兵難近華孽也

雹

唐貞觀四年秋丹延北永等州雹

顯慶二年五月滄州大雨雹中人自死者

咸亨元年四月庚午雍州大雨雹

二年四月戊子大雨雹震電大風折木落則天門鴟尾三先儒以為雹者陰有陽也又曰人君惡聞其過抑賢用邪則雹與雨俱信讒殺無罪則雹下毀瓦破車殺牛馬

永淳元年五月壬寅定州大雨雹害麥禾及桑

天授二年六月庚戌許州大雨雹

證聖元年二月癸卯滑州大雨雹殺燕雀

神功元年媯媛二州雹

聖曆元年六月甲午曹州大雨雹

久視元年六月丁亥曹州大雨雹

長安二年八月京師大雨雹人畜有凍死者

神龍元年四月壬子雍州同官縣大雨雹殺鳥獸

景龍元年四月己巳曹州大雨雹

二年正月己卯滄州雨雹如雞子

開元八年十二月丁未滑州大雨雹

二十二年五月戊辰京畿渭南等六縣大風雹傷麥

大曆七年五月乙酉雨雹

少異

續集

文獻通考卷三百五

七

崇禎三年夏刊



貞元二年六月丙子大雨雹

十七年二月丁酉雨雹已亥霜戊申夜震霆雨雹庚戌大雨雪  
與雹 五月戊寅好時縣風雹害麥

十八年七月癸酉大雨雹

元和元年鄜坊等州雹

十年秋鄜坊等州風雹害稼

十二年夏河南雨雹中人有死者

十五年三月京畿興平醴泉等縣雹傷麥

長慶四年六月庚寅京師雨雹如彈丸

大和四年鄜坊等州雹

五年夏京畿奉先渭南等縣雨雹

開成一年秋河南雹害稼

四年七月鄭滑等州風雹

五年六月濮州雨雹如拳殺人三十六牛馬甚衆

會昌元年秋登州雨雹文登尤甚破瓦害稼

四年夏雨雹如彈丸

乾符六年五月丁酉宣授宰臣豆盧瑑崔沆制殿庭氛霧四塞

及百官班賀于政事堂雨雹如鳧卵大風雷雨拔木

廣明元年四月甲申朔汝州大風雨拔街衢樹十二三東都有

雲起西北大風隨之長夏門內表道古槐樹自拔者十五六宮

殿鴟尾皆落雨雹大如杯鳥獸殪於川澤

後晉開運二年正月東京封丘門外壕內冰上有文若大樹華

芬敷之狀相連數十株宛如圖畫

漢天福十二年十一月旦日天大昏霧木有冰至十一日霜露

著草木皆為冰

時魏府杜重威叛討降之至  
來年正月二十七日高祖崩

周廣順三年十一月雨水冰



宋建隆元年十月大名府臨青縣雨雹傷稼

二年七月丹州義川雲巖二縣大雨雹

三年七月潞州武鄉等四縣雨雹

四年七月海州風雹

乾德二年四月開封府陽武縣雨雹宋州寧陵縣風雨雹傷民

田 六月潞州風雹 七月同州郃陽縣雨雹並害稼 八月

延州膚施縣風雹隕霜

三年四月開封府尉氏扶溝二縣風雹害民田桑棗十損七八

六月曹州濟陰宛句二縣風雹隕田

六年八月河南府河清縣雨雹

開寶三年夏同州滑州大風雨雹害稼

四年八月鄆州須城等三縣風雹

八年五月邢磁州風雹害桑麥

太平興國二年六月瀛州景城縣雨雹 七月相州永定縣之

風雹害稼

五年四月大名府冠氏縣壽州安豐縣風雹

七年五月太平州蕪湖縣雨雹傷稼

八年五月相州風雹傷民田

端拱元年五月霸州大雨雹殺麥苗 閏五月鄆州雨雹傷麥

淳化元年六月許州大風雹壞軍營民舍千一百五十六區單

州魚臺縣風雹害稼

至道二年十一月代州風雹傷田稼

咸平元年九月定州北平等縣風雹傷稼

三年四月丁巳京師雨雹飛禽有隕者

六年四月甲申京師暴風雨雹如彈丸

大中祥符三年八月丙辰京師雨雹

物異

文獻通考卷三百五

六



五年八月丙辰京師雨雹

天禧元年九月鎮戎軍彭城寨風雹害民田八百餘戶

天聖八年五月丙辰大雨雹

慶曆元年七月壬午大雨雹

六年四月甲辰大雨雹

嘉祐四年四月大震電雨雹

熙寧元年秋鄜州雨雹

三年七月七年四月五月京師雨雹

八年夏鄜州涇州雨雹

九年二月京師雨雹

十年夏鄜州雨雹秦州大雨雹

紹聖三年十月辛未西南方有雷聲次大雨雹

四年四月辛未西南方有雷聲次大雨雹

定中靖國元年二月丙申京師雨雹 五月辛酉京師大雨雹

崇寧三年十月辛丑大觀元年十月己巳三年五月戊申京師

大雨雹

政和七年六月京師大雨雹皆如拳或如一升器幾兩時而止

宣和四年二月癸卯京師雨雹

木冰水花

咸平元年十一月庚戌雨木冰

大中祥符五年正月戊寅京師雨木冰

景德元年二月保順軍城壕冰隱起文為桃李華雜人物之狀

大中祥符九年正月朔州渠冰有文如花葩狀

慶曆三年十二月大雨雪木冰占曰兵象

治平二年十月乙巳雨木冰

熙寧三年十月八年正月京師木冰

勿真 歷代

卷之三

七



元祐八年二月京師大寒霰雪雨木冰

宣和五年十月乙酉雨木冰

靖康元年十月乙卯雨木冰

二年正月丁酉雨木冰

建炎三年八月甲戌大雨雹劉向以為盛陽雨水濕氣脅之不  
相入則轉而為雹故雹者陰脅陽也一曰人君惡聞其過明邪  
為利蔽賢施之則雹與雨俱信讒殺無罪則雹下毀瓦破車殺  
牛馬

紹興元年二月壬辰上在越州雨雹震雷

二年二月丙子上在臨安大雨雹

三年正月辛未雨雹震雷陰氣之專精凝合生雹陽不禁閉則  
非時雷出陰脅陽象

四年三月己未雨雹傷稼

五年閏二月乙巳朔雨雹雪 十月丁未秀州華亭風雷雨雹

激射疾於箭彈壞舟覆屋 十二月戊辰又雹

七年二月癸卯先一夕雷後一日雪癸丑又雹按晉書雷以二  
月出陽出發洩明日便大雪晉失節之異又春秋以陰脅陽為  
臣專權時秦檜始大用是其應也

八年六月丙辰大雨雹

九年二月甲戌雹傷麥 十二月辛未又雹

十年二月辛亥大雨雹 十二月庚辰又雹

十一年正月辛酉雨雹

十三年二月甲子雨雹傷麥 五月戊午夜雹 七月壬申雹

害稼 十一月己未又雹

十七年正月庚辰雨雹 五月乙丑又雹

二十一年三月己卯雹傷禾麥



二十八年四月辛亥雨雹

二十九年二月戊戌雹損麥

隆興元年三月丙申夜雨雹

二年二月丁丑雹與霰俱剝向以為雹陰脅陽霰陽薄陰也

四月庚午雹 七月丁未雨雹 十二月己亥雨雪而雹

乾道元年二月庚寅夜雹

二年十月辛卯雨雹

三年二月壬午雪癸未雹

四年正月癸未夜雹有霰 二月丁酉又雹乙卯又雹而雪

五年二月丙午雹損麥

六年二月壬午雹亦損麥

八年七月壬辰雨雹

淳熙三年四月丁亥雨雹癸巳天台臨海二縣大風雹傷麥

四年正月丙寅雨雹

六年正月丁丑雹傷麥 三月壬申夜大雨雹如彈丸

八年十二月甲寅雨雹

十二年二月辛酉夜有雹

十三年閏七月丙午雨雹

十五年二月丁亥雨雪與雹 六月丁卯又雹

十六年二月己卯雹與雨俱

紹熙元年二月丙申雪丁酉雹

二年正月戊寅大雹震雷電以雨 二月庚辰大雪連數日雷

陽也雪陰也既雷則不當雪皆失節之應乙酉年臣留正奏吐

命停皇后家廟之 二月庚寅朔建寧府大風雨雹什屋殺  
人 三月癸酉又大風雨雹大如桃李實平地盈尺壞城郭民  
舍七百餘家鄉落四千三百餘家禾苗不殖桑麻種麥蔬果皆



損温州瑞安縣亦如之壞屋殺人尤衆皆令各郡振之秋西和州祐

川縣大風電壞粟麥種種

慶元三年二月戊辰雪已巳電 四月乙丑雨電大如杯破電

殺燕雀

嘉泰元年三月丙寅丁卯戊辰連雨電 五月丁丑又電 七月癸亥大雨與電

二年四月庚寅雨電傷稼 六月庚子大風電而寒陰脅陽又常寒也

四年正月壬辰雪與電俱

開禧二年正月己酉雨電而雷

嘉定元年閏四月壬申雨電害稼

二年三月乙未雨電

六年夏江浙郡國多雨電害稼

十五年九月癸丑大震雨電陽不閉陰脅陽皆君道弱臣道強之象

十六年秋又電

水花

宋紹興七年十二月中書門下省檢正官張宗元出撫淮西軍寓家建康府盆水有文如畫佳卉茂木華葉分敷日易以水變趣奇出至春暄乃止近華孽也說曰其地當有兵難

淳熙初秀州呂氏家冰瓦有文樓觀車馬人物並帶芙蓉重葦牡丹長春萱草藤蘿經日不釋亦華孽類也

物異

文獻通考卷三百五

二十一

崇禎三年重刊







考厥風雲俱起折五穀莖臣易上政茲謂不順厥風大秋發屋

師古曰秋發屋也音必遙反賦斂不理茲謂禍厥風絕經紀如淳曰有所破

地音灼曰南川為經東西為止即温温即蟲侯專封茲謂不統

厥風疾而樹不搖殺不成避不思道利茲謂無澤師古曰導示

於利而厥風不搖木旱無雲傷禾公常於利茲謂亂師古曰常

於利則也厥風微而温生蟲蝗害五穀棄正作淫茲謂惑厥風

温與蟲起害有益人之物侯不朝茲謂叛厥風無恒地變赤而

殺人

漢文帝二年六月淮南王都壽春大風毀民室殺人時淮南王

破南越後遂謀逆帝赦之遷蜀道死

五年吳恭風雨壞城官府民室時吳王濞謀為逆亂後卒誅滅

五年十月楚王都彭城大風從東南來毀市門殺人時王戊初

嗣位後坐淫削國與吳王謀反誅

武帝元光五年秋七月大風拔木

征和二年夏四月大風發屋折木

昭帝元鳳元年燕王都刺大風雨拔宮中樹七圍以上十六株

壞城樓後燕王旦謀反發覺誅

元帝建始元年十二月大風拔甘泉時中大木十圍以上

王莽天鳳元年七月大風拔木飛北關直城屋瓦

地皇元年七月大風毀王路堂

更始元年六月光武破王尋王邑兵于昆陽大雷風屋瓦皆飛

後漢和帝永元五年五月戊寅南陽大風拔樹木

安帝永初元年大風拔樹是時鄧太后攝政以清河王子年少

號精耳故立之是為安帝不立皇太子勝以為安帝賢必當德

鄧氏也後安帝親讓廢免鄧氏今郡縣追切死者八九人家至

破壞此為警霧也是後西羌亦大亂涼州十有餘年



二年六月京師及郡國四十大風拔樹

三年五月癸酉京都大風拔南郊道梓樹九十六株

七年八月丙寅京都大風拔樹

元初二年二月癸亥京都大風拔樹

六年夏四月沛國勃海大風拔樹三萬餘株

延光二年三月丙申河東潁州大風拔樹 六月壬午郡國十

一大風拔樹是時安帝親護曲直不分

三年京都及郡國三十六大風拔樹

靈帝建寧二年四月癸巳京都大風雨雹拔郊道樹十一圍已

上百餘株其後晨近氣黃郊道必雜水西橋逢暴風雨鹵簿車

或發蓋百官霑濡還不至郊使有司行禮迎氣西郊亦壹如此

中平五年六月丙寅大風拔樹

獻帝初平四年六月右扶風大風發屋拔木

魏齊王正始九年十一月大風數十日發屋折樹 十二月戊

午晦尤甚動太極東閣

嘉平元年正月壬辰朔西北大風發屋折樹木昏塵蔽天按管

輅說以為時刑大風執政之憂也是時曹爽區霧自專驕借過

度此心思不脊恒風之罰也後喻司而爽誅滅

吳孫權太平元年八月朔大風江海涌溢平地水深八尺拔

南陵樹二千株石碓動吳城兩門飛落按華覈對役繁賦

重區霧不容之罰也明年權薨

孫亮建興元年十二月甲申大風震電是魏遣大衆三道來

攻諸葛恪破其東興軍二軍亦退明年恪又攻新城喪衆大

半還伏誅

孫休永安元年十一月甲午風四轉五復蒙霧連日是時孫

綝一門五侯權逼吳王風霧之災與漢五侯丁傅相應也十



二月丁卯夜有大風發木揚沙明日緝誅

晉武帝泰始五年五月辛卯朔廣平大風折木

咸寧元年五月下邳廣陵大風壞千餘家折樹木其月甲申廣陵司吾下邳大風折木

二年八月河間大風折木

太康二年五月濟南暴風折木傷麥六月高平大風折木發

壞邸閣四十四區七月上黨又大風傷秋稼

八年六月郡國八大風

九年正月京都風電發屋拔樹後二年宮車晏駕

惠帝元康四年六月大風雨拔樹

五年四月庚寅夜暴風城東渠波浪殺人七月下邳大風壞

廬舍九月鴈門新興太原上黨災風傷稼明年氐羗反叛大

兵西討

九年六月颶風吹賈謐朝服飛數百丈明年謐誅十二月甲

子朔京都連大風發屋折木十二月愍懷太子廢幽于許昌

永康元年二月大風拔木三月愍懷被害己卯喪柩發許昌還

洛是日又大風雷電幘蓋飛裂四月張華第舍颶風起折木

飛繒折軸六七是月華遇害十一月戊午朔大風從西北來

折木飛沙石六日止明年正月趙王倫篡位

永寧元年八月郡國三大風

永興元年正月乙丑西北大風

趙王倫建始元年正月癸酉趙王倫祠太廟災風暴起塵四合

其年四月倫伏辜

元帝永昌元年七月丙寅大風拔木屋瓦皆飛八月暴風壞

屋拔御道柳樹百餘株其風縱橫無常若風自八方來者是時

王敦專權害尚書令刁協僕射周顛等故風縱橫若非一處也



此臣易上政諸侯不朝之罰也十一月宮車晏駕

成帝咸康四年三月壬辰成都大風發屋折木四月李壽襲殺

李期自立

康帝建元元年七月庚寅晉陵吳郡災風

穆帝升平元年八月丁未策立皇后何氏是日疾風後桓玄篡

位乃降后為零陵縣君不肖之罰也

五年正月戊午朔疾風

海西公太和六年二月大風迅急是年被廢

孝武帝寧康元年三月京都大風火大起是時桓温入朝志在

陵上帝又幼小人懷憂恐斯不虞之徵也

三年三月戊申朔暴風迅起從丑上水須臾送轉從子上來飛

沙揚礫

大元二年二月乙丑朔暴風折木 閏三月甲子朔暴風疾雨

俱至發屋折木

三年六月長安大風拔符堅宮中樹其後堅再南伐遂有肥水

之敗身戮國亡

四年八月乙未暴風揚沙石

十二年正月壬午夜暴風 七月甲辰大風折木

十三年十二月己未大風晝晦其後帝崩而諸侯違命權奪於

元顯禍成於桓玄是其應也

十七年六月乙未大風折木

安帝元興二年二月夜大風雨大航門屋瓦飛落明年桓玄篡

位由此門入

三年正月桓玄出遊大航南風飄其輶上四計反下五計反蓋經三月

而玄敗歸江陵 五月江陵又大風折木是月桓玄敗於崢嶸

洲身亦屠裂 十一月丁酉六風江陵多死者



義熙四年十一月辛卯朔西北疾風起

五年閏十一月丁亥大風發屋明年盧循至蔡州

六年五月壬申大風拔北郊樹樹幾百年也并吹琅邪揚州二

射堂倒塌是日盧循大艦漂沒甲戌又風發屋折木是冬王師

南討

九年正月大風白馬寺浮圖刹初轄柱折壞

十年四月己丑朔大風拔木 六月辛亥大風拔木 七月淮

北大風壞屋舍明年西討司馬休之應

宋文帝元嘉二十九年三月壬午大風拔木

齊武帝永明四年二月丙寅大風吳興備甚樹葉皆赤

八年六月乙酉都下大風發屋

梁武帝天監六年八月戊戌大風折木京房易飛候曰角日疾

風天下昏不出三月中兵必起是歲魏軍入鍾離

帝承聖三年十一月癸未帝閱武於南城北風大急普天

聞洪範五行傳曰人君瞽亂之應時帝既平侯景公卿咸勸帝

反丹陽帝不從又多猜忌有瞽亂之行故天變應之以風是歲

為西魏滅

陳文帝天嘉六年七月癸未大風起西南吹倒靈臺侯樓洪範

五行傳以為大臣專恣之咎時太子中幼安成王頊專政帝不

時抑損明年崩皇太子嗣位頊遂廢之

宣帝大建十二年壬戌大風吹壞臯門中闕

十二年九月夜又風發屋拔樹始興王叔陵專恣之應

後主至德中大風吹倒朱雀門

禎明三年六月丁巳大風自西北激濤水入石頭淮是時後主

任司馬申誅戮忠諫沈客卿施文慶專行邪僻江總孔範等崇

長淫縱杜塞明瞽亂之咎



後齊武成帝河清三年大風三旬乃止時帝委政佞臣和士開專恣日甚

天統三年五月大風晝晦發屋拔樹明年帝崩

七年三月大風起西北發屋拔木五日乃止時高阿那瓌賂提婆等專恣之應

隋文帝開皇二十年十一月京師大風發屋拔木秦隴壓死者千餘人

仁壽二年西河有胡人乘驢在道忽為颶風所飄并一車上千餘尺乃墜皆碎焉京房易傳曰衆逆同志至德乃潛厥異風後二載漢王諒在并州潛謀逆亂車及驪騎之象也升空而墜顛殞之應也

唐高祖武德二年十二月壬子大風易巽為風重巽以申命其及物也象人君誥命其鼓動於天地間有時飛沙揚塵怒也發屋拔木者怒甚也其占大臣專恣而氣盛衆逆同志君行蒙暗施於事則皆傷害故常風又飄風入宮闕一日再三若風聲如雷觸地而起為兵將興

太宗貞觀十四年六月乙酉大風拔木

高宗咸亨四年八月巳酉大風落太廟鴟尾

永隆二年七月雍州大風害稼

弘道元年十二月壬午晦宋州大風拔木

中宗嗣聖元年四月丁巳寧州大風拔木

武后垂拱四年十月辛亥大風拔木

永昌二年五月丁亥大風拔木

中宗神龍元年三月乙酉睦州大風拔木崔玄暉封博陵郡王也大風折其輅蓋

二年六月乙亥滑州大風拔木



景龍元年七月郴州大風發屋拔木 八月宋州大風拔木壞屋舍

二年十月辛亥滑州暴風發屋

三年三月辛未曹州大風拔木

玄宗開元二年六月京師大風發屋大木拔者十七八

四年六月辛未京師陝華大風拔木

九年七月丙辰揚州潤州暴風雨發屋拔木

十四年六月戊午大風拔木發屋端門鳴尾盡落端門號令所從出也

十九年六月乙酉大風拔木

二十二年五月戊子大風拔木

天寶十一載五月甲子東京大風拔木

十三載三月辛酉大風拔木

代宗永泰元年二月辛亥大風拔木

大曆七年五月乙酉大風拔木

十年五月甲寅大風拔木

德宗貞元元年七月庚子大風拔木

六年四月甲申大風雨

八年五月己未暴風發太廟屋瓦毀門閭官署屋舍不可勝紀

十年六月辛未大風拔木

十四年八月癸未廣州大風壞屋覆舟

憲宗元和元年六月丙申大風拔木

三年四月壬申大風毀舍元殿欄檻二十七間占為兵起

四年十月壬午天有氣如煙臭如燔皮日跌大風而止

五年三月丙子大風毀崇陵上官衙殿鳴尾及神門戟竿六壞

行垣四十間



八年六月庚寅京師大風雨毀屋飄瓦人多壓死者丙申富平大風拔棗木千餘株

十二年春青州一夕暴風自西北天地晦冥空中有若旌旗狀屋瓦上如蹂躪聲有日者占之曰不及五年此地當大殺戮

穆宗長慶二年正月己酉大風霾十月夏州大風飛沙為堆高及城堞

三年正月丁巳朔大風昏霾終日  
四年六月庚寅大風毀延喜門及景風門

文宗大和八年六月癸未暴風壞長安縣署及經行寺塔  
九年四月辛丑大風拔木萬株墮含元殿四鳥尾拔殿庭樹三壞金吾伏舍廢城門樓觀內外三十餘所光化門西城十餘雉

成三年正月戊辰大風拔木

五年四月甲子大風拔木 五月壬寅亦如之 七月戊寅亦

如之

武宗會昌元年三月黔南大風飄瓦

懿宗咸通六年正月絳州大風拔木有千圍者 十一月己卯

晦潼關夜中大風山如吼雷河噴石鳴羣鳥亂飛重關傾側

十二月大風拔木

僖宗乾符五年五月丁酉大風拔木

廣明元年四月甲申京師及東都汝州雨雹大風拔木

四年六月乙巳太原大風雨拔木千株害稼百里

昭宗光化三年七月乙丑洛州大風發屋拔木

天復二年昇州大風發屋飛大木

後漢隱帝乾祐三年閏五月癸巳京師西北風暴雨至戴婁門外壞管舍瓦木吹鄭門門扉起十餘步落拔大樹數十震死者



六七月平地水深尺餘其年十一月隱帝遇害

宋太祖乾德二年五月揚州暴風壞軍營舍僅百區

三年六月揚州暴風壞軍營及城上敵棚

開寶二年三月車駕駐太原城下大風一夕而止

八年十月廣州颶風起一晝夜雨水二丈餘海為之漲飄失舟

九年四月宋州大風壞甲仗庫城樓軍營民舍凡四千五百九十六區

太宗太平興國二年六月曹州大風壞濟縣解及軍營

四年八月泗州大風浮梁竹管鐵索斷華表石柱折

六年九月高州大風壞解宇民舍五百區

七年八月瓊州颶風壞城門州署民舍殆盡

八年九月太平軍颶風拔木壞解宇民舍千八十七區 十月

雷州颶風壞廩庫民舍七百區

九年八月白州颶風壞州解民舍

端拱二年京師暴風起東北塵沙曠日人不相辨

淳化二年五月通利軍大風害稼

三年六月丁丑黑風自西北起天地晦暝雷震有頽乃止先是

都下大熱疫死者衆及此風至疾疫遂止

至道二年八月潮州颶風壞州解營寨漂刀魚舟

真宗咸平元年八月涪州大風壞城舍

四年八月丙子京師暴風

景德二年六月甲午大風吹沙折木 八月福州海上有颶風

壞屋舍

三年七月丙寅京師大風

四年三月甲寅夕京師大風黃塵蔽日自大名府歷京畿害桑

稼唐州尤甚

七

七

十



大中祥符二年四月乙未大風起京師西北連日不止 九月  
無為軍城北暴風兩晝晦不可辨拔木壞城門營壘民舍壓死  
千餘人遣內侍張景宣馳驛卹視壞屋者無出來年夏租壓死  
者家賜米一斛無主者官瘞之

五年八月京師大風

七年二月戊辰京師大風揚沙礫是日百官羣儀恭謝壇有隨  
作者

六年六月辛亥京師大風起已位吹沙揚塵

天禧二年正月永州大風發屋拔木數日止

三年五月徐州利國監大風起西南壞舍二百餘區壓死十二  
人

四年四月乙卯大風起西北飛沙折木晝晦數刻止 五月乙

卯大風起西北有聲折木吹黃塵蔽天按占並主陰謀姦邪是

秋內侍周懷政坐妖亂伏誅

仁宗天聖六年二月庚辰大風晝暝

九年十二月辛酉大風三日

景祐元年九月甲寅夜漏上風自丑起有聲擺木鳴條

二年六月戊寅平明風自未來占者以為百穀豐衍之候

康定元年大風晝暝經刻乃復

皇祐四年七月丁巳大風拔木

神宗熙寧四年二月辛巳京東自濮州至河北旁邊大風異常

百姓驚恐 四月癸亥京師大風霾

六年四月北京館陶縣颶風大作

九年十一月潮州海陽潮陽二縣颶風海潮害民田稼

十年六月恩州武城縣大風壞縣廨知縣李愈妻主簿寇宗奭

妻之母歷歿 七月溫州大風雨漂城樓官舍

物異

恒風

文獻通考卷三百六

七

崇禎三年重刊



元豐四年六月邕州颶風壞城樓官舍

四年六月邕州颶風壞城樓官私廬舍 七月甲午夜泰州海

風作繼以大雨浸州城壞公私廬舍數千間又通州靜海縣大

風雨毀官私廬舍二千七百六十三楹潤州丹陽縣大風雨溺

居民毀廬舍丹徒縣大風潮飄蕩沿江廬舍損田稼 六月邕

州颶風壞城樓官私廬舍

五年八月朱崖軍颶風毀廬舍

哲宗元祐八年二月京師風霾大寒是歲福建兩浙海風駕潮  
害民田

紹聖元年秋蘇湖秀等州海風害民田

欽宗靖康元年正月望夜大風起西北有聲吹沙走石盡明日

乃止 二月戊申大風起東北揚塵翳空 三月己巳夜五更

大風乍慢乍急聲如叫怒 十一月丁亥大風發屋折木 閏

十一月甲寅大風起北方雪繼作積數尺連夜不停

二年正月己亥天氣昏暄狂風迅發竟日夜西北陰雲中如有

火光二丈餘濶數尺時時見庚戌大風雨 二月乙酉大風折

木晚尤甚 三月丁酉風霾己亥大風 四月庚申朔大風吹

石折木辛酉北風益甚苦寒

高宗建炎元年二月乙酉大風拔木

紹興二十八年七月壬戌平江府大風雨駕潮漂溺數百里壞

田廬

三十二年七月戊申大風拔木温州大風壞屋覆舟

孝宗隆興元年浙東西郡國風水傷稼

二年八月大風雨飄蕩田廬

乾道二年八月丁亥温州大風雨駕海潮殺人覆舟壞廬舍

五年十月台州大風雨壞田廬



八年六月丙辰惠州颶風壞海艦三十餘時樞密院調廣東經略司水軍四艦覆其三死者百三十餘人

淳熙三年六月大風連日

四年九月明州大風駕潮壞定海鄞縣海岸七千六百餘丈及田廬軍壘六月乙巳夜福州福清縣興化軍大風雨壞官舍民居倉庫及海口鏡人多死者

六年十一月鄂州大風覆舟溺人甚眾

七年二月江陵府大風焚溺岸舟死者尤眾

十年八月辛酉雷州颶風大作駕海潮飄溢殺人林木田禾皆折

紹熙二年二月癸酉温州瑞安縣大風仆屋拔木殺人

四年七月興化軍海風害稼

五年七月乙亥行都大風拔木壞舟甚眾紹興府秀州大風駕

海潮害稼秋明州颶風駕海潮害稼十月甲戌行都大風拔

木

寧宗慶元二年六月壬申台州暴風雨駕海潮壞田屋

六年夏常風當夏而寒

嘉定二年七月壬辰台州大風雨駕海潮壞屋殺人

三年八月癸酉大風連日大木皆拔折禾穗墮果實上露穉至千丙子乃息後御史朝諸帝陵于紹興府歸奏風壞陵殿宮墻六十餘所折陵木二千餘株

六年十二月餘姚縣風潮壞海堤亘八鄉

七年正月庚辰江州燈夕黑雲暴風暮作郡治游人相踐死于門者二十餘人十一月二日甲寅大風

十六年秋大風拔木害稼

十七年秋福州颶風大作壞田損稼冬鄂州暴風壞戰艦二



百餘壽軍壞戰艦六十餘江州與國軍亦如之

恒陰

漢昭帝元平元年四月崩亡嗣立昌邑王賀賀即位天陰晝夜不見日月賀欲出光祿大夫夏侯勝當車諫曰天以陰而不雨臣下有謀上者陛下欲何之賀怒縛勝以屬吏師古曰屬委吏也音之欲反白大將軍霍光光時與車騎將軍張安世謀欲廢賀光讓安世以為泄語安世實不泄召問勝勝上洪範五行傳曰皇之不極厥罰常陰時則有下人伐上不敢察察言臣贊曰不敢察明言之故云臣下有謀光安世讀之大驚以此益重經術士後數日卒共廢賀此常陰之明效也京房易傳曰有霓蒙霧上下合也蒙如塵雲蜺日旁氣也其占曰后妃有專蜺垂重赤而專至衡旱孟康曰專員也若五月再重主外而員至十一月旱也妻不一順里蜺四背又白蜺雙出日中妻以貴高夫茲謂擅陽蜺四方日光不陽解而温服虔曰蒙內取氣解而温

茲謂禽服虔曰人君內淫於骨肉也臣瓚曰人君取於蜺如禽

在日旁以尊降妃茲謂薄嗣蜺直而塞六辰迺除夜星見而赤

韋昭曰六辰謂從卯至申女不變始茲謂乘夫孟康曰始高貴於蜺白在日

側黑蜺果之氣正直謂于之也妻不順正茲謂擅陽蜺中窺貫

而外專夫妻不嚴茲謂媾韋昭曰媾言媾慢也蜺與日會婦人

擅國茲謂頃師古曰頃蜺白貫日中赤蜺四背服虔曰適不答

茲謂不次服虔曰言適妻不見答也臣瓚曰夫不接妻為不答

答也一曰答對也言不以恩意接對之蜺直在左蜺交在右取於不專茲謂危嗣

蜺抱日兩未及君淫外茲謂亡蜺氣左曰交於外取不達茲謂

不知蜺白奪明而大温温而雨師古曰取尊卑不別茲謂媾蜺

三出三巳三辰除韋昭曰若從寅至辰除則日出且雨臣私祿

及親茲謂罔辟韋昭曰辟君也師古厥異蒙其蒙先大温已蒙

起日不見行善不請於上茲謂作福蒙一日五起五解辟不下





謀臣辟異道茲謂不見上蒙下霧風三變而俱解立嗣子疑茲  
謂動欲蒙赤白不明德不序茲謂不聰蒙日不明温而民病德  
不試空言祿師古曰試用也茲謂主竅臣天孟康曰謂君情竅用人不以次第為天也師古曰竅  
音蒙起而白君樂逸人茲謂放蒙日青黑雲夾日左右前後行  
過曰公不在職茲謂怙祿蒙不解利邪以食茲謂閉上蒙大起  
白雲如山行蔽日公懼不言道茲謂閉下蒙大起日不見若雨  
不雨至十二日解而有天雲蔽日祿生於下茲謂誣君蒙微而  
小雨已乃大雨下相攘善茲謂盜明蒙黃濁下陳功求於上茲  
謂不知蒙微而赤風鳴條解復蒙下專刑茲謂分威蒙而日不  
得明大臣厭小臣茲謂蔽蒙微日不明若解不解大風發赤雲  
起而蔽日衆不思惡茲謂閉蒙尊卦用事孟康曰尊卦乾坤也臣瓚曰京房謂方伯  
卦震兌坎離也師三日而起日不見漏言亡喜茲謂下厝用師  
古曰孟說是也日曆音蒙微日無光有雨雲雨不降廢忠惑佞茲謂亡蒙天先  
千各反

清而暴蒙微而日不明有逸民茲謂不明蒙濁奪日光公不任  
職茲謂不純蒙白三辰止則日青青而寒必雨忠臣進善君  
不試茲謂遏師古曰試用也蒙先小雨雨已蒙起微而日不明惑衆在  
位茲謂覆國蒙微而日不明一温一寒風揚塵知佞厚之茲謂  
虛蒙甚而温君臣故弼茲謂悖師古曰弼猶相也悖也悖感也者厥災風雨霧風  
拔木亂五穀已而大霧庶正敝惡茲謂生孽災厥異霧此皆陰  
雲之類云

後漢順帝陽嘉二年郎顛上書云正月以來陰闇連日又陰不  
雨亂氣也得賢不用猶久陰不雨也

吳孫亮太平三年自八月沉陰不雨四十餘日是時將誅孫  
綝謀泄九月戊午綝以兵圍宮廢帝為會稽王此常陰之罰

也  
孫皓寶鼎元年十二月太史奏久陰不雨將有陰謀孫皓驚



懼時陸凱等謀因其謁廟廢之及出留平領兵前驅凱先語  
平平不許是以不果皓既肆虐羣下多懷異圖終至降亡

隋開皇二十年十月久陰不雨劉向曰王者失中臣下蔽君明  
則雲陰時獨孤后與楊素譖太子勇廢之

唐長安四年自九月霖雨陰晦至于神龍元年正月

貞元二十一年秋連月陰靈

元和十五年正月庚辰至于丙申晝常陰晦微雨雪夜則晴蒙  
占曰晝霧夜晴臣志得中

咸通十四年七月靈州陰晦

乾符六年秋多雲霧晦冥日且及禺中乃解

光啓元年秋河東大雲霧明年夏晝陰積六十日

二年十一月淮南陰晦雨雪至明年二月不解

景福二年夏連陰四十餘日霧

長壽元年九月戊戌黃霧四塞霧者百邪之氣為陰且陽本于  
地而應于天黃為土土為中宮

神龍二年三月乙巳黃霧四塞

景龍二年八月甲戌黃霧昏濁不雨

三年正月丁卯黃霧四塞十一月甲寅日入後昏霧四塞經  
二日乃止占曰霧連日不解其國昏亂

開元五年正月戊辰昏霧四塞

天寶十四年冬三月常霧昏暗十步外不見人是謂晝昏占曰  
有破國

至德二年四月賊將武令珣圍南陽白霧四塞

上元元年閏四月大霧占曰兵起

貞元十年三月乙亥黃霧四塞日無光

咸通九年十一月龐勛圍徐州甲辰大霧昏塞至于丙午



光化四年冬昭宗在東內武德門煙霧四塞門外日色皎然  
宋建炎三年六月夕陰上謂輔臣曰占為陰盛下有陰謀語在  
常雨

紹興三年自正月陰晦陽光不舒者四十餘日

八年三月乙卯晝蒙京房易傳曰霧上下合也蒙如塵雲四月  
積雨方止氛霧四塞晝日無光近常陰也

隆興二年六月沉陰不解者月餘

乾道二年十一月天又晦陰

五年正月甲申晝蒙

六年五月連陰 六月日青無光

淳熙六年十一月乙丑晝蒙

十三年正月丁亥亦如之

慶元六年十二月辛卯

嘉定三年正月丙午

十年正月乙未 十三年三月壬辰皆晝蒙

夜妖

春秋僖公十五年九月己卯晦震夷伯之廟師古曰夷伯司空

族也號劉向以為晦暝也震雷也夷伯世大夫正書雷其廟獨

冥師古曰天戒若曰勿使大夫世官將專事暝晦明年公子季

友卒果世官師古曰謂季友之孫行父仍政在季氏至成公十

六年六月甲午晦正晝皆暝陰為陽臣制君也成公不寤其冬

季氏殺公子偃師古曰為季文子季氏萌於釐公師古曰萌謂

言其始大於成文此其應也董仲舒以為夷伯季氏之孚也師

有賦權信師古曰信也師古曰陪臣不當有廟震者雷也晦暝雷擊其廟明當絕

去僭差之類也向又以為此皆所謂夜妖者也劉歆以為春秋

及朔言朔及晦言晦人道所不及則天震之展氏有應惡故天



加誅於其祖夷伯之廟以譴告之也成公十六年六月甲午晦  
晉侯及楚子鄭伯戰于鄢陵皆月晦也

漢高祖二年東伐楚入彭城項羽以精兵擊漢軍大破之圍漢  
王三匝大風起揚沙石書晦楚軍大亂漢王得與數十騎遁去  
魏高貴鄉公正元二年正月戊戌景帝討毋丘儉大風晦瞑行  
者皆頓伏近夜妖也劉向曰晝晦而暝陰為陽臣制君也

元帝景元三年十月京師大震晝晦此夜妖也劉向春秋說云  
天戒若曰勿使大夫世官將令專事暝晦公室卑矣魏見此妖  
晉有天下之應也

晉武帝泰始三年三月丁未晝昏

懷帝永嘉四年十一月辛卯晝昏至於庚子此夜妖也後年劉  
曜寇洛川王師頗為賊所敗帝蒙塵于平陽

孝武帝太元十三年十二月乙未大風晦暝其後帝崩而諸侯

違命干戈內侮權奪於元顯禍成於桓玄

符堅時大風晝暝恒星皆見太史以為西南國亡明年堅陷

蜀

梁元帝承聖二年十月丁卯大風晝暝天地昏暗近夜妖也京  
房易飛候曰羽日風天下昏人大疾不然多寇盜三年為西魏  
所滅

陳後主禎明三年正月朔旦雲霧晦暝入鼻酸辛後主昏昧近  
夜妖時北軍臨江後主惑佞臣孔範之言而昏闇不能用以至  
覆亡

東魏武定四年冬大霧六日晝夜不解洪範五行傳曰晝而晦  
暝若夜者陰侵陽臣將侵君之象也明年元瑾劉思逸謀殺大  
將軍之應

周大象二年尉迥敗於相州元其黨與數萬人於遊豫園其處

初

史

文獻通考卷三百六

七



每聞鬼夜哭聲洪範五行傳曰哭者死亡之表近夜妖也鬼而  
夜哭者將有死亡之應京房身飛侯曰鬼夜哭國將亡明年周  
民王公皆見殺周室亦亡

隋仁壽中仁壽宮及長城之下數聞鬼哭尋而獻后及帝相次  
而崩於仁壽宮

大業八年楊玄感作亂於東都尚書樊子蓋坑其黨與長夏門  
外前後數萬洎于末年數聞其處鬼哭有呻吟之聲與前占同  
其後王世充害越王侗于洛陽

唐太和九年十一月戊辰晝晦

咸通七年九月辛卯朔天闇

乾符二年二月軍武境內黑風雨土

天祐元年閏四月乙未朔大風雨土

後周顯德六年六月辛卯辰巳間京師天地晦暝澍雨驟降雨

中有腥氣其日世宗崩

宋端拱二年京師暴風起東北塵沙暄日人不相辨

淳化三年六月丁丑黑風自西北起天地晦暝雷震有頃乃止

大中祥符二年九月無為軍城北暴風雨晝晦不可辨拔木壞

城門管壘民舍

天聖六年二月庚辰大風晝暝

康定元年二月丙子大風晝暝經刻乃復

嘉祐八年十一月丙午大風晝

治平二年二月乙巳大風晝晦

四年正月庚辰朔大風霜是日羣臣上尊號廷中仗衛皆不能

整時帝不豫越七日崩

熙寧四年四月京師大風霾

靖康二年正月己亥天氣昏暄風迅發境日丁未霧氣四塞人



對面不相視

建炎元年三月丁酉汴京風霾日無光劉向曰正晝而照陰為陽臣制君也是日張邦昌僭位

二年七月癸未風雨晝晦是日東京留守宗澤薨 十一月甲子北京大霧四塞是夕城陷

三年三月 上發温州航海乙丑御舟次松門海中白霧晝晦 並夜妖也

紹興八年三月甲寅晝晦日無光陰霧四塞乙卯晝夜雲氣晦濁

十一年主管成都等路茶事馮康國言三月庚申虜居長安晝晦面不相睹虜亡之象也

乾道五年正月甲申晝霾四塞 淳熙五年四月丁丑塵霾晝晦日無光

慶元元年二月己卯晝暝四方昏塞

三年二月丁卯晝晦昏霧四塞 嘉定十年正月乙未晝霾 二月癸巳日蒙無光

文獻通考卷之三百六

物異

卷之三百六

五



漢安十平五月丁未嘗霖 二月癸巳日業無光  
三平二月丁未嘗神昏霧四寒  
惠示示平二月丁未嘗期四六昏塞

文獻通考卷之三十七

宋鄱陽 馬 端臨 貴與 著

明新陽 馮 天馥 應房 校刊

物異考 雷震

成王時秋大熟未獲天大雷電以風禾盡偃大木斯拔邦人大  
恐

秦始皇五年冬雷

漢惠帝五年冬十月雷

景帝六年冬十二月雷霖雨

昭帝元鳳五年十一月大雷

王莽始建國二年十二月雷

後漢光武建武七年遼東冬雷草木實

和帝元興元年冬十一月壬午郡國四冬雷時皇子數不遂皆



隱之民間是歲宮車晏駕殤帝生百餘日立以為君帝兄平原王有疾不立卒皆天無嗣

殤帝延平元年九月乙亥陳留雷有石墮地四

安帝永初六年十月丙戌郡六冬雷京房占曰天冬雷地必震又曰教令擾又曰雷以十

一月起黃鍾二月大聲八月闔藏此以春夏殺無辜不須冬刑致災孽盡出行不赦之則冬溫風以其來年疾病其教也率勿

注曰明帝永平七年十月丙子越嵩雷

七年十月戊子郡國三冬雷 元初元年十月癸巳郡國三冬

雷 三年十月辛亥汝南樂浪冬雷 四年十月辛酉郡國五

冬雷 六年十月丙子郡國五冬雷 永寧元年十月郡國七

冬雷 建光元年十月郡國七冬雷 延光四年郡國十九冬

雷是時太后攝政上無所與太后既崩阿母王聖及皇后兄閹

顯兄弟更秉威權上遂不親萬機從容寬仁任臣下古今注曰

四年戊午雷擊擊高廟世祖廟外槐樹

桓帝建和三年六月乙卯雷震憲陵寢屋先是梁太后聽斥

枉殺李固杜喬

靈帝熹平六年冬十月東萊冬雷

中平四年十二月晦雨水大雷電雹

獻帝初平三年五月丙申無雲而雷

四年五月癸酉無雲而雷

魏明帝景初中洛陽城東橋城西洛水浮橋桓楹同日三處俱

時震尋又震西城上候風木飛鳥時勞役大起帝尋晏駕

吳孫權赤烏八年夏震宮門柱又擊南津大橋桓楹

孫亮建興元年十二月朔大風震電是月又雷雨義同前說

亮終廢

晉武帝太康六年十二月甲申朔淮南郡震電

七年十二月己亥毘陵雷電南沙司塩都尉戴亮以聞

初異

崇禎三年重刊



十年十二月癸卯廬江建安雷電大雨

惠帝永康元年六月癸卯震崇陽陵標西南五百步標破為七十片是時賈后陷害鼎輔寵樹私戚與漢桓帝時震憲陵寢同事也后終誅滅

永興二年十月丁丑雷震

懷帝永嘉四年十月雷電

愍帝建興元年十一月戊午會稽大雨雷電己巳夜赤氣曜於西北是夕大雨震電庚午大雪按劉向說雷以二月出八月入今此月震電者陽不閉藏也既發泄而明日便大雪皆失節之異也是時劉淵僭號平陽李雄稱制于蜀九州幅裂西京孤微為君失時之象也赤氣赤祥也

元帝大興元年十一月乙卯暴雨雷電

永昌二年七月庚子朔雷震太極殿柱 十二月會稽吳郡雷

震電

成帝咸和元年十月己巳會稽郡大雨震電

三年六月辛卯臨海大雷破郡府內小屋柱十枚殺人 九月

二日壬午立冬會稽雷電

四年十一月吳郡會稽又震電

穆帝永和七年十月壬午雷雨震電

升平元年十一月庚戌雷乙丑又雷

五年十月庚午雷發東南方

孝武帝太元五年六月甲寅雷震合章殿四柱并殺內侍二人

十年十二月雷聲在南方

十四年七月甲寅雷震燒宣陽門西柱

安帝隆安二年九月壬辰雷雨

元興三年永安皇后至自己陵將設儀導入宮天雷震人馬各



一俱殪於計焉

義熙四年十一月辛卯朔西北方疾風發癸丑雷六月庚寅雷震一廟破東鵝尾徹柱又震太子西池合堂是時帝不親蒸嘗故天震之明簡宗廟也西池是明帝為太子時所造次故號太子池及安帝多病患無嗣故天震之明無後也

六年正月庚寅雷又雪十二月壬辰大雷九年十一月甲戌雷乙亥又雷

陳宣帝大建元年七月大雨震萬安陵華表又震慧日寺刹瓦官寺重閣門下一女子震死京房易飛候曰雷雨霹靂丘陵者逆先人令為火殺人者人君用讒言殺正人時蔡景歷以奸邪任用右僕射陸縉以讒毀獲譴發病而死

十年三月震武庫時帝好兵頻年北伐內外虛竭將士勞弊既克淮南又進圖彭沛毛喜切諫不納由是吳明徹諸軍皆沒遂

失淮南之地武庫者兵器之所聚也而震之天戒告曰宜戢兵以安百姓帝不悟又大興軍旅六年六月又震太皇寺刹莊嚴寺露槃重陽閣東樓鴻臚府門太皇莊嚴二寺陳國奉佛之所重陽閣每所遊宴鴻臚賓客禮義之所在而同歲震者天戒者曰國威已喪不務脩德後必有特佛道耽宴樂棄禮儀而亡國者陳之君臣竟不悟至後主之代災異屢起懼而於太皇寺捨身為奴以祈冥助不恤國政耽酒色棄禮法不脩隣好以取敗亡

後齊武平元年夏震丞相段孝先南門柱京房易傳曰震及貴臣門及屋者不出三年佞臣被誅後歲和士開被戮

唐貞觀十一年四月甲子震乾元殿前槐樹震耀天之威怒以象殺戮槐古者三公所樹也

證聖元年正月丁酉雷者陽聲出非其時臣竊君柄之象



長安四年五月丁亥震雷大風拔木人有震死者

延和元年六月淮南假師縣李村村有震電入民家地震裂闕  
丈餘長十五里深不可測所裂處井厠相通或衝冢墓柩出平  
地無損李國姓也震電威刑之象地陰類也

永泰元年二月甲子夜震寔自是無雷至六月甲申乃雷

大曆十年四月甲申雷電暴風拔木飄瓦人有震死者京畿害  
稼者七縣

建中元年九月巳卯雷

四年四月丙子東都畿汝節度使哥舒曜攻李希烈進軍至潁  
橋大雨震電人不能言者十三四馬驢多死

貞元十四年五月巳酉夏至始雷

元和十一年冬雷

長慶二年六月乙丑大風震電落太廟鷓尾破御史臺樹

太和八年七月辛酉定陵臺大雨震廡下地裂二十有六步占  
曰士庶分離大臣專恣不救大敗

會昌三年五月甲午始雷

咸通四年十二月震雷

乾符三年十二月震雷雨電

乾寧四年李茂貞遣將符道昭攻成都至廣漢震雷有石墮于  
帳前

宋建隆四年四月癸巳宿州日無雨雷霆暴作軍校傅韜震死  
是夜半風雷起于京師開封縣署役夫劉延嗣萬進震死頃之  
進復蘇言有煙焰自牖入室因駭廢徧體焦灼

乾德二年正月辛巳雷聲起京師西南東行有電 五月戊戌

大名府大雨雷震焚棗聚

四年七月海州雷震長吏應土木多圯傷刺史梁晉起



開寶七年六月易州雷震死耀光軍士八人

八年八月邛州延貴鎮震死民費貴及其四子

太平興國二年七月瀛州景城縣震死牛商馮文

端拱二年八月興化軍民劉政震死有文在曾中曰大不孝

九月丙子夜半雷聲起京師西北

淳化三年七月泗州大風雨震僧伽塔柱

至道元年三月甲戌京師雷未發聲召司天監丞趙昭益問之

云按占雷不發聲寬政之應也 七月泗州大風雨雷震僧伽

塔及壞鍾樓

咸平元年正月戊寅京師西北有雷電 十一月瀛州順安軍

並東北有雷

三年十月黃州西北雷聲如盛夏時 十一月真定府東南雷

四年十月乙巳京師西南雷電 閏十二月大名府電

五年九月辛亥京師雷

六年十一月甲午京師暴雷震司天言國家發號布德未及黎

庶時議改元肆赦詔宰相增廣條目采民病悉除之

景德三年九月丙寅夕京師大震下也

大中祥符元年正月癸未京師西北雷

五年十二月己巳京師西北雷電

九年五月殿侍張信奉南海祝版乘驛至唐州震死

大觀三年十月戊子大雷電而雨

紹興五年十月丁巳雷

六年十月丙午雷

九年十月丁卯雷

十一年十一月己酉雷

十五年十月辛卯雷 十二月甲寅雷



十六年温州大雷電龍翔寺震死者六人  
十九年十月甲寅雷

二十一年二月辛未南安軍大雷雷大庾縣治震死者四人  
十一月辛未夜震雷 十二月癸酉雷

二十二年十二月戊寅巳卯雷  
二十六年十二月甲子雷

乾道二年十一月戊辰日南至大震雷 癸酉策免相  
葉顥魏杞

七年正月丙戌雷自是迄夏無雷  
淳熙十二年十一月戊午雷 十二月丁丑雷

十三年正月雷後三十五日有雪  
十四年十一月冬雷

十六年七月大雷震太廟齋殿  
紹熙二年正月雷雪

二年正月庚戌朔雷

四年十一月巳卯日南至辛巳雷

五年十月大雷震

慶元元年春無雷

開禧三年十月辛未雷

三年十月雷

嘉定三年十月雷

五年七月雷雨震太廟之鴟吻 十月冬雷

六年閏九月雷電

十年正月朔雷

十一年九月辛巳明堂禮成肆赦雷電

十四年十六年俱冬雷

物自鳴

文獻通考

卷三百三十一

七



即五行志所謂鼓妖也無形有聲無雲而雷謂之鼓妖  
今所載凡不當鳴而鳴者皆入焉

左傳僖公三十一年十二月己卯晉文公卒庚辰將殯于曲沃  
出絳柩有聲如牛劉向以為近鼓妖也喪凶事聲牛怒象也如  
將有急怒之謀以生兵革之禍時秦穆公遣兵襲鄭晉要之峭  
阮以敗其師晉不惟舊而聽虐謀結然強國四被秦寇禍流數  
世凶惡之效也

周考王十三年晉無雲而雷

威烈王三年十一月晉有火下于北方其聲如鼓

秦二世元年天無雲而雷劉向以為雷當託於雲猶君託於臣  
陰湯之合也二世不恤天下民怨叛是歲陳勝起趙高作亂秦  
遂亡一曰易震為雷為類不恭也

漢成帝元延元年四月丁酉無雲而有雷聲光耀耀四面下至

地止

哀帝建平二年四月乙亥朔御史大夫朱博為丞相少府趙玄

為御史大夫臨延登受策有大聲如鐘鳴師古曰延入而登殿也漢舊義云丞相御

史大夫初拜皇殿中郎吏陛者皆聞焉師古曰陛者謂上以問

黃門侍郎楊雄李尋尋對曰洪範所謂鼓妖者也師法以為人

君不聰為眾所惑空名得進則有聲無形不知所從生其傳曰

歲月日之中則正卿受之今以四月日加辰巳有異是為中焉

正卿謂執政大臣也宜退丞相御史以應天變然雖不退不出

期年其人自蒙其咎師古曰期年十二月楊雄亦以為鼓妖聽

失之象也朱博為人疆毅多權謀宜將不宜相恐有凶惡亟疾  
之怒師古曰亟急也音居力反八月博玄坐為奸謀博自殺玄減死論京房

易傳曰令不修本下不安金母故自動若有音

元壽元年九月孝元廟殿門銅龜蛇鋪首鳴如淳曰門鋪首作龜蛇之形而鳴呼

勿異

之夫通考卷三百二

八

崇禎三年重刊



也門之鋪首所  
以銜環者也

王莽天鳳三年十月戊辰王路朱鳥門鳴晝夜不絕崔發等曰  
虞帝闢四門達四聰門鳴者明當修先聖之禮招四方之士也  
於是令羣臣皆賀所舉士行從朱鳥門入而對策焉  
後漢獻帝建安七八年中長沙醴陵有大山常大鳴如牛响聲  
積數年後豫章賊攻沒醴陵縣殺掠吏民  
晉惠帝元康九年三月有聲若牛出許昌城十二月廢愍懷太  
子幽于許宮明年賈后遣黃門孫慮殺太子擊以藥杵聲聞于  
外是其應也

蘇峻在歷陽外營將軍鼓自鳴如人弄鼓者峻手自破之曰  
我鄉土時有此則城空矣俄而作亂夷滅此  
石季龍末洛陽城西北九里石牛在青石跌音干上音干下音干四脚  
開四十里季龍遣人扣落兩耳及尾鐵釘上音干下音干四脚

### 尋而季龍死

孝武大元十五年三月己酉朔東北方有聲如雷按劉向說以  
為雷當託於雲猶君託於臣無雲而雷此君不恤於下下人將  
叛之象也及帝崩而天下漸亂孫恩桓玄交陵京邑

吳興長城夏架山有石鼓長丈餘而徑三尺所下有盤石為足  
鳴則聲如金鼓三吳有兵至安帝隆安中大鳴後有孫恩之亂  
齊武帝永明十一年七月上不豫徙御延昌殿始登階而殿屋  
鳴吒上惡之至八月崩

梁武帝天監四年十一月天清明西南有電光有雷聲二洪範  
五行傳曰雷霆託於雲猶君託於臣也君不恤天下故人怨叛  
是歲交州刺史李凱反

十九年九月西北隱隱有聲如雷赤氣下至地是歲盜殺東莞  
琅邪二郡守以胸山引魏軍



中大通六年十二月西南有聲如雷其年北梁州刺史蘭欽舉兵反  
陳宣帝大建二年十二月西北有聲如雷其年相州刺史蘇威舉兵反  
齊文宣天保四年四月西南有聲如雷時帝不恤天下興師旅  
後周武帝建德六年正月西方有聲如雷未幾吐谷渾寇邊  
隋文帝開皇十四年正月旦廊州連雲山有聲如雷時五羗反  
叛侵邊

二十年無雲而雷京房易飛候曰國將易君下人不靜小人先  
命國凶有兵甲後數歲帝崩漢王諒舉兵反是年十一月京都  
大風地大震鼓皆應淨刹寺鐘三鳴佛殿門鎖自開銅像自出  
戶外鐘鼓自鳴者近鼓妖也楊雄以為人君不聰為眾所惑空  
名得進則鼓妖見時獨孤后干政楊素權傾人主帝聽二人之  
讒黜高頴廢太子勇晉王鈞虛名而見立  
大業中滏陽石鼓頻歲鳴其後天下大亂兵戎並起

唐武德二年三月太行山聖人崖有聲占曰有寇至

三年二月丁丑京師西南有聲如崩山近鼓妖說者以為人君  
不聰為眾所惑則有聲無形不知所從生

天授元年九月檢校內史宗秦客拜日無雲而雷震近鼓妖也

開元二十八年六月吐蕃圍安戎城斷水路城東山鳴石圻湧

泉二

貞元十三年六月丙寅天晦街鼓不鳴

中和二年十月西北方無雲而雷

天復三年十月甲午有大聲出於宣武節度使廳事近鼓妖也  
後唐同光三年九月丁未夜徧天陰雲北方有聲如雷雉皆雊  
俗呼曰天狗墜

宋紹興七年五月汴京無雲而雷是歲偽齊亡

三十年十月庚戌晝漏半無雲而雷癸亥日過中無雲而雷



淳熙十四年六月甲申昧爽上將禱雨太一宮乘輿未駕有大聲發自內及于和寧門人馬辟易相踐藉有矢巾履者近鼓妖也

紹熙二年温州瑞安縣感應侯廟鼓自鳴後曰邑有巨寇昇鼓去先是鼓上有書曰鼓響盜長鼓壞盜敗寇果以旬日就擒與晉志隆安石鼓鳴孫恩同占

物自動

即五行志所謂木沴金也志中惟載金石自動今所載凡非動物而自動者皆入焉

周威烈王二十三年九鼎震金震木動之也時周室衰微號令不從以亂金氣鼎者宗廟之寶器宗廟將遷故震動也是歲晉三卿韓魏趙分晉地王命以為諸侯其後秦遂滅周而取九鼎九鼎之震木沴金災眾其

漢成帝元延元年正月長安音城門門牡自亡晉灼曰西出南頭第一門也牡

是出齋者師古曰牡所以下開者也亦以鐵為之非出齋也京房易傳曰饑而不損茲謂泰

厥災木厥各牡亡妖辭曰關動牡飛碎為亡道臣為非厥各亂

臣謀篡易妖傳故谷永對曰章城門通路寢之路函谷關距山

東之險城門關守國之固固將去焉故牡飛也

平帝元始元年二月乙未義陵寢神衣在柙中哀帝陵也丙申旦衣

在外於上寢令以急變聞祠以太牢

王莽地皇元年七月社陵便殿乘輿虎文衣廢藏在室匣中者

出自樹立堂上良久乃委地吏卒見者以聞莽惡之

魏齊王正始末河南尹李勝治聽事有小村激墮槓受石虎頭

斷之此木沴金也勝後旬日而敗

晉惠帝元康八年五月郊禋壇石中破為二此木沴金也郊禘壇求子之神位無故自毀太子將危之妖也明年愍懷廢死



孝武帝大元十年四月謝安出鎮廣陵始發石頭金鼓無故自  
破木沴金之異也天戒若曰安徒揚經略之聲終無其實鉦鼓  
不用之象也月餘以疾還而薨

梁武帝大同十二年曲阿建陵隧口石麒麟動木沴金也動者  
遷移之象天戒若曰園陵無主石麟將為人所移也後竟國亡  
大武靜元年帝捨身光嚴重雲殿游仙化生皆震動三日乃止當  
時謂之祥瑞識者以為非動而動在洪範為妖以比石虎之敗  
殿壁蓋人頸皆縮入頭之類

又送辟邪二於建陵左雙角者至陵所右獨角者將引於車上  
振躍者三車兩轅俱折因換車未至陵二里所又躍者三每一  
振則車側人莫不聳奮去地三四尺車輪陷入土三寸木沴金  
也劉向曰失衆心令不行言不從以亂金氣也石為陰臣象也  
臣將為變之應武帝暮年君臣唯講經談玄朝綱紊亂令不行

言不從之咎也其後致侯景之亂

元帝承聖二年正月己卯江夏宮南門齋牡飛

後齊河清四年殿上石自起兩兩相擊挂孟以為石陰類下人  
象殿上石自起者左右親人離叛之應及周師東伐寵臣尉相  
願乞扶貴和兄弟之徒皆叛入周

周建德元年濮陽郡有石像郡官今載向府將刮取金在道自  
躍投地如此者再乃以大繩縛著車壁又絕繩而下時帝既滅  
齊又事淮南征伐不息百姓疲敝失衆心之應也

唐長壽中東都天宮寺泥像皆流汗霖霖

神龍中東都白馬寺鐵像頭無故自落於殿門外

天寶五年四月宰臣李適之常列鼎俎具膳羞中夜鼎躍相闕  
不鮮鼎耳及足皆折

長慶中新都大道觀泥人生鬚數寸拔之復生



後晉開運元年七月一日夜大雷雨明德門內井亭有石槽槽  
有龍首其夕漂行數步而龍首斷焉識者云石國姓也而龍首  
既斷大不吉之象晉祚果終於開運

宋乾德五年十一月許州開元觀老君像自動知州宋偓以聞  
六年正月簡州普通院毗盧佛像自動

元豐元年邕州佛像動搖初像聳動而交人入寇又動而州大  
火其後儂智高叛復動於是知州錢師孟投之江中

紹興二年宣州有鐵佛像坐高丈餘自動送前送却若偃而就  
人者數日既而郡有火火勝金火氣盛金失其性而為變怪也  
二十年二月温州戒福寺有銅佛像頂珠自動光彩激射終日  
不少停數日火作寺焚與宣州鐵佛同占皆火沴金也  
淳熙九年春德興縣民家有鏡自飛舞與日光相射

物自壞

卽五行志所謂金沴木也

春秋文公十三年太室屋壞近金沴木木動也先是冬僖公薨  
十六月乃作主後六月又吉禘於太廟而致僖公左氏說曰登  
僖於閔上祀也又末二年而吉禘前後亂賢父聖祖之大禮  
太室屋壞象魯自是而陵夷將墮周公之祀也

漢景帝三年十二月吳二城門自傾大船自覆劉向以為進金  
沴木木動也先是吳王濞以太子於漢稱疾不朝陰與楚王戊

謀為逆亂城猶國也其一門名曰楚門一門曰魚門吳地以船  
為家以魚為食天戒若曰與楚所謀傾國覆家吳王不寤正月  
與楚俱起兵身死國亡京房易傳曰上下咸諄厥妖城門壞柳

日詩惑也  
音布丙反

宣帝時大司馬霍禹所居第門自壞時禹內不順外不敬見戒  
不改卒受滅亡之誅

物異

物動

文獻通考卷三百七

七

崇禎三年重刊



哀帝時大司馬董賢第門自壞時賢以私愛居六位賞賜無度  
驕慢不敬大失臣道見戒不改後賢夫妻自殺家徙合浦  
後漢桓帝延熹五年大學門無故自壞襄楷以為大學前疑所  
居本傳楷書無前疑之言也其門自壞文德將喪教化廢也是後天下遂至  
喪亂

永康元年十月壬戌南宮平城門內屋自壞金沱木木動也其  
十二月宮車晏駕

靈帝光和元年南宮平城門內屋武庫屋及外東垣屋前後頓  
壞蔡邕對曰平城門正陽之門與宮連郊祀法駕所由從出門  
之最尊者也武庫禁兵所藏東垣庫之外障易傳曰小人在位  
上下咸悖厥妖城門內崩潛潭巴曰宮瓦自墮諸侯強陵主此  
皆小人居顯位亂法之咎也其後黃巾賊先起東方庫兵大動  
皇后同父兄何進為大將軍同母弟苗為車騎將軍兄弟並貴

盛皆統兵在京都其後進欲誅廢中官為中常侍張讓段珪等  
所殺兵戰宮中闕下更相誅滅天下兵大起

三年二月公府駐駕燕自壞南北三十餘間  
中平二年二月癸亥廣陽城門外上屋自壞也

獻帝初平二年三月長安宣平城門外屋無故自壞至三年夏  
司徒王允使中郎將呂布殺太師董卓夷三族袁山松曰李傕等攻破長安城

興平元年十月長安市門無故自壞至二年春李傕郭汜闔長  
安中僮迫劫天子移置僮塢盡燒宮室殿宇城門官府民舍放  
兵寇抄公卿以下

魏文帝黃初七年正月幸許昌城南門無故自崩帝心惡之遂  
不入還洛陽此金沱木木動之也五月宮車晏駕京房易傳曰  
上下咸悖厥妖也城門壞



晉武帝太康五年五月宣帝廟地陷梁折

八年正月大廟殿又陷改作廟基及泉其年九月遂更營新廟遠致名材雜以銅柱至十年四月乃成十一月庚寅梁又折天戒若曰地陷者分離之象梁折木不曲直也明年帝崩王室遂亂

惠帝太安二年成都王穎使陸機率眾向京師擊長沙王又軍始引而牙竿折俄而戰敗機誅穎奔死

晉元帝大興二年六月吳郡米無故自壞天戒若曰夫米無貨糴之屋無故自壞此五穀踴貴所以無糴賣也是歲遂大飢死者十人焉

明帝大寧元年周延自歸王敦既立其宅宇所起五間六梁一時躍出墜地餘桁猶亘柱頭此金沴木也明年五月錢鳳謀亂遂族滅延而湖熟尋亦為墟矣

安帝元興元年五月壬子會稽王世子元顯將討桓玄廷牙竿於揚州南門其東者難立良以乃正近沴妖也而元顯尋為玄所擒

三年五月樂賢堂壞時帝器無樂賢之心故此堂見沴

義熙九年五月國子聖堂壞天戒若曰聖堂禮樂之本無故壞業祚將墜之象未及十年而禪位焉

陳文帝天嘉六年秋七月儀賢堂無故自壓近金沴木也時帝盛修宮室百姓失業故本失其性

後主禎明元年六月宮內水殿若有刀鋸斫伐之聲其殿因無故而倒七月朱雀航又無故自沉時後主盛修園囿不虔宗廟水殿者遊宴之所朱雀航者國門之大路無故自壞天戒若曰宮室毀津路絕後竟為隋所滅宗廟為墟

後齊孝昭帝將誅楊愔乘車向省入東門憶竿無故自折帝甚



惡之歲餘而崩

河清三年長廣郡聽事梁忽剝若人狀太守惡而削去之明日復

然長廣帝本封也木為變不祥之兆其年帝崩

武平七年秋穆后將如晉陽向北宮辭胡太后至宮內門所乘

七寶車無故陷入於地牛沒四足是歲齊滅后被虜於長安

後周建德六年青城門無故自崩青者東方色春宮之象也時

皇太子無威儀禮節青城門無故自崩者皇太子不勝任之應

帝不悟明年太子嗣立果為無道周室危亡寔自此起始

隋大業中齊王暕於東都起第新構寢堂其楹無故而折時上

無太子天下皆以暕文當立公卿屬望暕遂驕恣呼術者令相

又為厭勝之事堂楹無故自折木失其性奸謀之應也天見變

以戒之暕不悟後竟得罪於帝

武德元年八月戊戌突厥始畢可汗衙帳無故自壞

中宗即位金雞竿折雞竿所以肆赦登大號而雞竿折不祥

神龍中有群狐入御史大夫李承嘉第其堂無故壞又秉筆而

管直裂易之又裂  
開元五年正月癸卯太廟四室壞  
天寶十四載哥舒翰帥師守潼關前軍啟行牙門旗至坊門觸  
落槍刃眾以為不祥  
永泰二年三月辛酉中書敕庫壞  
貞元四年正月庚戌朔德宗御含元殿受朝賀質明殿階及欄  
檻三十餘間自壞衛士死者十餘人含元路寢大朝會之所御  
也正月朔一歲之元王者之事天所以儆者重矣  
大和九年鄭注為鳳翔節度使將之鎮出開遠門旗竿折  
光啟初揚州府署門屋自壞故隋之行臺門也制度甚宏麗云  
未紹興二年八月辛亥尚書省後樓屋無故自壞



人病云

文獻通考卷之三百八

宋鄱陽 馬 端臨 貴與 著

明蘄陽 馮 天馭 應房 較刊

物異考 人異

按傳曰皇之不極厥罰常陰時則有下人伐上之病昌  
邑王時霍光將議廢立而夏侯勝援此以諫王出游光  
與張安世疑謀已泄而驚異其說然則所謂下人伐上  
之病乃犯上反叛之謂然歷代史志只謂之人病而所  
載者則形體之妖異或舉動言語之狂惑或化為異物  
或已死復生殊不及叛逆之事蓋人病者妖也叛逆者  
其應也又下而犯上臣而背君其妖孰甚焉故總謂之  
人病云

春秋文公十一年敗狄于鹹解古曰鹹魯地也穀梁公羊傳曰長狄古師

物異

文獻通考卷之三百八

一

崇禎三年重刊



曰防風之後來姓也國號鄭兄弟三人一者之魯師古曰僑如

謂鄭音所求反一者之齊師古曰榮如也齊襄公二一者之晉師古曰

宣十五年晉滅皆殺之身橫九晦師古曰晦斷其首而載之眉

見於軾師古曰軾何以書記異也劉向以為是時周室衰微三

國為大可責者也天戒若曰不行禮義大為夷狄之行將致危

亡其後三國皆有篡弑之禍師古曰謂魯文公薨襄仲弑惡及

公而立無知晉樂書中近下人伐上之病也劉歆以為人變屬

黃祥一曰屬羸蟲之孽一曰天地之性人為貴凡人為變皆屬

皇極下人伐上之病云京房易傳曰君暴亂疾有道厥妖長狄

入國又曰豐其屋下獨苦師古曰豐其屋是豐卦長狄生世主

虜史記秦始皇帝二十六年有大人長三丈足履六尺皆夷狄服

凡十二人見於臨洮師古曰隴西之天戒若曰勿大為夷狄之

行將受其禍是歲始皇初并六國反喜以為瑞銷天下兵器作

金人十二以象之遂自賢聖燔詩書坑儒士奢淫暴虐務欲廣

地南戍五嶺北築長城以備胡越師古曰五嶺解塹山填谷西

起臨洮東至遼東徑數千里故大人見於臨洮明禍亂之起後

十四年而秦亡亡自戌卒陳勝發

史記魏襄王十三年魏有女子化為丈夫京房易傳曰女子化

為丈夫茲謂陰昌賤人為王丈夫化為女子茲謂陰勝厥咎亡

一曰男化為女宮刑濫也如淳曰官刑女化為男婦政行也

赧王三十一年齊有人當關而哭者求之不得去聞其聲時

燕昭王伐齊齊湣王出奔為楚將淖齒所弑

秦始皇三十六年鄭客從關東來至華陰望見素車白馬從華

山上下知其非人道住止而待之遂至持璧與客曰為我遺鑄

池君長安西北有鑄池君因言今年祖龍死祖始也龍人忽



不見客奉璧始皇使御史視之卽二十八年過江所潛壁也然良父曰山鬼不過知一歲事也

漢高祖為亭長送徒驪山被酒夜徑澤中有大蛇當徑乃斫蛇後人來至蛇所有一老嫗夜哭人問之曰吾子白帝子

化為蛇當道今者赤帝子斬之故哭人以嫗為不誠欲苦之因忽不見後人告高祖高祖心獨喜自負諸從者日益畏之

漢景帝二年九月膠東下密人年七十餘生角角有毛時膠西濟南齊四王有舉兵反謀謀由吳王濞起連楚趙凡七國下密

縣居四齊之中角兵象上鄉者也老人吳王象也年七十七國象也天戒若曰人不當生角猶諸侯不當舉兵以鄉京師也禍

從老人生七國俱敗云京房易傳曰冢冢專政朕妖人生角武帝征和元年上居建章宮見一男子帶劍入中龍華門疑其

異人命收之男子指去逐之弗獲上怒斬門候冬十一月發

三輔騎士大搜上林閉長安城門索十一日乃解巫蠱始起哀帝建平中豫章有男子化為女子嫁為人婦生一子長安陳鳳

言此陽變為陰將亡繼嗣自相生之象一曰嫁為人婦生一子者將復一世乃絕

哀帝建平四年四月山陽方與女子田無音生子師古曰方與也女子姓田名無音方與音房豫先未生二月兒唬腹中及生不舉葬之陌上

三日人過聞唬聲母掘收養

平帝元始元年二月朔方廣牧女子趙春病死師古曰廣牧朔方之縣也姓趙春斂棺積六日師古曰斂音力贈反棺音工與反出在棺外自言見夫死父曰

年二十七不當死太守譚以聞京房易傳曰幹父之蠱有子考韋昭曰蠱事也子能正父之事是為有子故子三年不改

父道思慕不皇亦重見先人之非師古曰言父有不善之事當速改之若唯思慕而已無所變易是重顯先人之非也一曰三年之內但思慕而已不暇見父之非故不改也重音直用反不則為私死妖



人死後生一曰至陰為陽下人為上 六月長安女子有生兒

兩頭異頸面相鄉四臂共胸俱前鄉師古曰鄉尻上有目長二

寸所京房易傳曰睽孤兒豕負塗睽古曰易睽卦上九爻辭也

音苦厥妖人生兩頭下相攘善妖亦同人若六畜首目在下茲

謂亡上正將變更凡妖之作以譴失正各象其類二首下不一

也足多所任邪也足少下不勝任或不任下也凡下體生於上

不敬也上體生於下媒瀆也生非其類淫亂也人生而大上速

成也生而能言好虛也羣妖推此類不改乃成凶也

王莽始建國二年甄豐子尋坐偽作符命誅黨與死者數百人

尋手理有天子字莽解其臂入視之曰此一大子也或一六子

也六者戮也明尋父子當戮死也 是歲池陽縣有小人景長

尺餘或乘車馬或步行操萬物大小多相稱車馬及物皆三日

止

天鳳四年連率韓博上言有奇士長丈六十圍來至臣府曰欲

奮擊胡虜謂巨母霸出於蓬萊東南五城西北昭如海瀕昭如海各

也輶車不能載三馬不能勝即口以大車四馬建虎旗載霸詣

闕霸卧則枕鼓以鐵箸食乞迎之於道京師門戶不容者開高

大之以視百蠻

後漢靈帝建寧三年春河內婦食夫河南夫食婦臣昭曰以夫

陽而陰承體卑吞食尊陽將非君道昏弱得居剛之德遂為陰

細之人所能消毀乎夫惟家之主而乃自食正內之人時宋皇

后將立而靈帝一聽閹官無所厝心宋后終

廢天戒若曰徒隨發豎之意夫噉其妻乎

二年雒陽上西門外女子生兒兩頭異肩共胸俱前向以為不

祥墮地棄之自此之後朝廷霧亂政在私門上下無別二頭之

象後董卓弑太后被以不孝之名放廢天子後復害之漢元以

來禍莫踰此

四年魏郡男子張博送鐵盧詣太官博上書室殿山居屋後宮



禁落屋謹呼上收縛考問忽不自覺知臣昭曰魏人入宮既奪終亦禍廢母后漢之徵至後宮而謹呼

中平元年六月壬申雒陽男子劉倉居上西門外妻生男兩頭共身

靈帝時江夏黃氏之母浴而化為龜入于深淵其後時出見初

浴簪一銀釵及見猶在其首臣昭曰黃者代漢之色女人臣妾水實制火夫君德尊陽利見九五飛在天乃備

光盛俯等龜龜有愧潛躍首從戴釵甲弱未盡獻帝初平中長沙有人姓桓氏死棺斂月餘其母聞棺中聲發

之遂生占曰至陰為陽下人為上其後曹公由庶士起

建安四年二月武陵充縣女子李娥年六十餘物故其家以杉

木樽斂墓於城外數里上巳十四日有行者聞冢中有聲便語

其家其家往視聞聲便發出遂活

七年越雋有男子化為女子時周羣上言哀帝時亦有此異將

有易代之事至二十五年獻帝封于山陽

建安中女子生男兩頭共身

魏文帝黃初初河清宋士宗母化為鱉入水

明帝太和三年曹休部曲丘奚農女死復生時有開周世家得

殉葬女子數日而有氣數月而能言郭太后愛養之又太原

人發冢破棺棺中有一生婦人問其本事不知也視其墓木可

三十歲按京房易傳曰至陰為陽下人為上宣帝起之象也漢

平帝獻帝並有此異古以為王莽曹操之證

青龍元年并州刺史畢軌送漢故渡遼將軍范明友鮮卑奴年

三百五十歲言品飲食如常人奴云霍顯光後小妻明友妻光

前妻女時京邑有一人失其姓名食淡蕪十許人遂肥不能

動其父曾作遠方長吏徒送汝縣令故義供食之一二年一鄉

輒為儉

之失其異言

五



三年中壽春農民妄自言為天神所下命為登女當營衛帝室  
蠲邪納福飲人以水及以洗創或多愈者於是立館後宮下詔  
稱揚甚見優寵及景初二年帝疾飲水無驗以致大漸於是斬  
焉

元帝咸寧二年八月襄武縣言有大人見長三丈餘跡長三尺  
二寸髮白著黃巾單衣拄杖呼王始語曰今當太平晉尋代魏  
吳孫休時烏程人有得困病及差能以嚮言者言於此而聞  
於彼自其所聽之不覺其聲之大也自遠聽之如人對言不  
覺聲之自遠來也聲之所往隨其所向遠者所過十數里其  
隣人有責息於外歷年不還乃假之使為責讓懼以禍福負  
物者以為鬼神即顛倒界之其人亦自不知所以然也

按此事晉史置之言不從條下然此妖異也故今移置  
之人痴門云

孫休永安四年按吳氏陳焦死七日復生穿冢出于寶曰  
與漢宣帝同事烏程侯皓承廢故之家得位之祥也

孫皓寶鼎元年丹陽宣壽母年八十因浴化為龜兄弟閉戶  
衛之掘堂上作一大坎實水其中龜入坎遊戲一二日恒延  
頸外望伺戶小開便輪轉自躍入于遠潭遂不復還與漢靈  
帝時黃氏母事同吳亡之象也

晉武帝泰始五年城人年七十生角殆趙王倫篡亂之象也

咸寧二年十二月琅邪人顏畿病死棺斂已久家人咸夢畿謂  
已曰我當復生可急開棺遂出之漸能飲食屈伸視瞻不能行  
語二年復死京房易傳曰至陰為陽下人為上厥妖人死復生  
其後劉石僭逆遂亡晉室下為上之應也

惠帝元康中安豐有女子周世寧八歲漸化為男子至十七八  
而氣性成京房易傳曰女子化為丈夫茲謂陰昌賤人為王此



亦劉石覆蕩天下之妖也

元康中梁國女子許嫁已受禮聘尋配其夫戍長安經年不歸女家更以適人女不樂行其父母逼彊不得配去尋病亡後其夫還問其女所在其家具說之其夫逕至女墓不勝哀情便發冢開棺女遂活因與歸家後恐聞知詣官爭之所在不能決祕書郎王導議曰此是非常事不得以常理斷之宜還前夫朝廷從其議

惠帝世杜錫家葬而婢誤不得出後十年開冢祔葬而婢尚生始如瞑有頃漸覺問之自謂再宿爾初婢之埋年十五六及開冢更生猶十五六也嫁之有子

光熙元年會稽謝真生子頭大而有髮兩蹠<sub>石</sub>反面上有男女兩體生便作丈夫聲經一日死此皇之不極下人伐上之病於是諸王有僭亂之象也

惠帝之世京洛有人兼男女體亦能兩用人道而性尤淫此亂氣所生自咸寧太康之後男寵大興甚於女色士大夫莫不尚之天下相倣倣或至夫婦離絕多生怨曠故男女氣亂而妖形之作也

懷帝永嘉元年吳郡吳縣萬詳婢生子鳥頭兩足馬蹄一手無尾黃色大如枕此亦人妖亂之象也

五年五月袍罕今嚴根妓產一龍一女一鵝京房易傳曰人生他物非人所見者皆為天下大兵是時帝承惠皇之後四海沸騰尋而陷於平陽為逆胡所害此其徵也

愍帝建興四年新蔡縣吏任僑妻產二女腹與心相合自臂以上臍以下各分此蓋天下未一之妖也時內史呂會上言按瑞應圖異根同體謂之連理異畝同穎謂之嘉禾草木之異猶以為瑞今二人同心易稱二人同心其利斷金蓋四海同心之瑞







經五日而遂復從至崑崙山三日而復返於不周見諸王公  
御將相死者悉在宮室甚壯麗號曰蒙珠離國元海謂約曰  
東北有遮須夷國無主久待汝父爲之汝父後三年當來來  
後國中大亂相殺害虐家死亡畧盡但可永明輩十數人在  
耳汝宜還後年當來見汝不久約拜辭而回道過一國曰倚  
尼渠餘國引約入宮與約皮囊一枚曰爲吾遺漢皇帝約辭  
而歸謂約曰劉郎後年來必見過當以小女妻之約歸置皮  
囊於机上俄而蘇使左右机上取皮囊開視之有一方白玉  
題文曰倚尼渠餘國天王敬信燕須夷國天王歲在涓提當  
相見也馳使呈聰聰曰若審如此吾不懼死也及聰死與此  
玉并葬焉

符健時新平有長人兒語百姓張靖曰符氏應天受命今當  
太平外面者歸中而安泰問姓名弗答俄而不見新平今以  
聞健以爲妖下靖獄會大雨霖河渭溢蒲津監寇登得一履  
於河長七尺三寸人跡稱之指長尺餘文深一寸健歎曰覆  
載之中何所不有張靖所見定不虛也乃赦之

宋明帝泰豫元年正月丁巳巨人跡見西池冰上  
梁武帝時海中浮鷓山去餘姚岸可千餘里有女人年三百  
歲有女官道士四五百人年並出百但在山學道遣使獻紅席  
帝方捨身時其使適去云此草常有紅鳥居下故以爲名觀其  
圖狀則鸞鳥也 時又有男子不知何許人於大衆中自割身  
以飴飢鳥血流徧體而顏色不變 又沙門智泉鐵鈎挂體以  
燃千燈一日一夜端坐不動

太清元年丹陽有莫氏妻生男眼在頂上大如兩歲兒墮地而  
言曰兒是旱疫鬼不得住汝當令我得過疫鬼曰有上官何得  
自由母可急作絳帽故當無憂母不暇作帽以絳繫髮自是旱



疫者二年揚徐兗豫尤甚莫氏鄉隣多以絳兔他土效之無驗  
簡文大寶二年京口人於截見年五歲登城西南角大樓打鼓  
作長江擗鼓兵象也時侯景亂江南

元帝承聖元年十二月天門山獲野人出山三日而死

陳武帝永定三年有人長三丈見羅浮山通身潔白衣服楚麗  
京房易傳曰長人見亡後二歲帝崩

後主爲太子時有婦人突入東宮而大言曰畢國主後主立而  
祚終之應也

至德三年八月建康人家婢死埋之九日而更生有牧牛人聞  
而出之

禎明二年有神自稱老子游於部下與人對語而不見形言言  
凶多驗得酒輒醕之經三四年乃去有船下忽聞人言曰明年  
亂視之得死嬰兒長三尺而無頭明年陳亡

後魏太武大延元年有鄙婦人持方寸玉印詣潞縣侯孫家既  
而亡去莫知所在印有三字爲龍鳥之形要妙奇巧不類人跡  
文曰旱疫平

後齊天保中臨障有婦人產子二頭共體是後政由奸佞上下  
無別兩頭之應也

河清四年有神見於後園萬壽堂前山穴中其體壯大不辨其  
面兩齒絕白長出於唇帝直宿嬪御已下七百人咸見焉帝又  
夢之

後主咸平五年大旱晉陽得死魃長二尺面頂各二目帝聞之  
使刻木爲其形以獻

後周保定三年有人產子男陰在背上如尾兩足指如獸爪陰  
不當生於背而生者陰陽反覆君臣顛倒之象也人足不當有  
爪而有者將致攬人之變也時晉公護專政征伐自己陰懷篡



逆帝誅之

武帝時有強練者洋狂持一瓢至晉湯公護門而擊破之曰身尚可子苦矣時護專政因朝太后帝擊殺之發兵捕其諸子皆備楚毒而死強練又行乞於市人或遺之粟麥輒以無底袋受之因大笑曰盛空未幾周滅高祖移都長安城為墟矣

隋開皇六年霍州有老翁化為猛獸

七年相州有桑門變為蛇尾繞樹而自拙長二丈許  
仁壽四年有人長數丈見於應門其跡長四尺五寸其年帝崩大業元年鴈門人其面安母年百歲額上生角長二寸洪範五行傳曰婦人陰象也角兵象也下及上之應是後天下果大亂陰戎圍帝於鴈門

四年鴈門宋谷村有婦人生一肉卵大如斗埋之後數日所埋處雲霧盡合從地雷震而上視之洞穴失所所在

六年趙郡李來王家有婢產一物大如卵

六年正月朔旦有盜衣白練裙襖手持香花自稱彌勒佛出世入建國門奪衛士仗將為亂齊王暕遇而斬之後三年楊玄感作亂引兵圍洛陽戰敗乃伏誅

八年有澄公者若狂人於東都大呼唱賊帝聞而惡之明年玄感作亂舉兵圍洛陽

十二年澄公又叫賊李密逼東都孟讓燒豐都市而去

九年帝在高陽唐縣人宋子賢善為幻術每夜樓上有光明能變作佛形自稱彌勒出世又懸大鏡於堂上紙素上畫為蛇為獸及人形有人來禮謁者轉側其鏡遣觀來生形像或映見紙上蛇形子賢輒告云此罪業也當更禮念又令禮謁乃轉人形示之遠近惑信日數百千人遂潛謀作亂將為無遮佛會因舉兵欲襲擊乘輿事世鷹揚郎將以兵捕之夜至其所適其所居



但見火坑兵不敢進郎將曰此地素無坑止妖妄耳及進無復  
火矣遂擒斬之并坐其黨與千餘家其後復有桑門向海明於  
扶風自稱彌勒佛出世潛謀逆亂人有歸心者輒獲吉夢白是  
人皆惑之三輔之士翕然稱爲大聖因舉兵反衆至數萬官軍  
擊破之京房易飛候曰妖言動衆者茲謂不信路無人行不出  
三年起兵自是天下大亂路無人行

唐武德四年太原尼志覺死十日而蘇

貞觀十九年衛州人劉道安頭生肉角隱見不常因以惑衆伏  
誅角兵象肉不可以觸者

永徽六年淄州高苑民吳威妻言淄州民辛道護妻皆一產四男  
凡物反常則爲妖亦陰氣盛則母道壯也

顯慶三年普州有人化爲虎虎猛噬而不仁

儀鳳三年四月涇州獻二小兒連心異體初鶉觚縣衛士胡萬

年妻吳生一男一女其胷相連餘各異體乃剖之則皆死又產  
復然俱男也遂育之至是四歲以獻于朝

永隆元年長安獲女魍長尺有二寸其狀怪異詩曰旱魃爲虐  
如悞如焚是秋不雨至于明年正月

二年九月萬年縣女子劉凝靜衣白衣從者數人升太史令廳  
問此有何災異令執之以聞是以彗星見太史司天文曆候王  
者所以奉天道恭授民時者非女子所當問

延載初中涪州民范端化爲虎

神功元年二月庚子有人走入端門又入則天門至通天宮闈  
反伏衛不之覺時來俊臣婢產肉塊如二升器剖之有赤蠱  
須臾化爲蜂螫人而去

久視二年正月成州有大人跡見

長安中郴州左史因病化爲虎欲食其婢擒之乃人也雖未全



化而虎毛生矣

太極元年狂人段萬謙潛入承天門登太極殿升御牀自稱天子且言我李安國也人相我年三十二當為天子

開元二十三年四月冀州獻長人李家龍八尺有五寸

大曆十年二月昭應婦人張產一男二女

貞元八年正月丁亥許州人李狗兒持杖上含元殿擊欄檻伏誅

十年四月恒州有巨人跡見

十五年正月戊申狂人劉忠詣銀臺稱白起令上表天下有火災

十七年十一月翰林符詔戴少平死十有六日而蘇是歲

州南陵縣丞李疑死已殯三十日而蘇

元和二年商州洪崖治沒夫將化為虎衆以水沃之不果化

長慶四年三月長安民徐忠信潛入浴室門

寶曆二年十二月延州人賀文妻一產四男

太和二年十月狂人劉德廣入含元殿

咸通七年渭州有人生角寸許占曰天下有兵

十三年四月太原晉陽民家有嬰兒兩頭異頸四手聯足此天

下不一之妖是歲民皇甫及年十四暴長七尺餘長啜大嚼

三倍如初歲餘死

乾符六年秋蜀郡婦人尹生子首如豕目在睚下占曰君失道

光啓元年隰州溫泉民家有死者既葬且半月行人聞聲呼地

下其家發之則復生歲餘乃死

二年春鳳翔郿縣女子未齒化為丈夫旬日而死京房易傳曰

茲謂陰昌賊人為王

大順元年六月資州兵王金義妻如孕覺物漸下入股至足六



梅痛甚拆而生珠如彈丸漸長大如杯

天祐二年五月潁州汝陰民彭文妻一產三男

蜀王建元年巨人見青城山

南漢劉鋹時南海民妻生子兩首四臂

宋自建隆元年至天禧四年郡縣上言民妻產三男者凡一百

九產四男者凡三產一男三女者二產二男一女者一

建隆三年齊州晉州大旱民家多生魍

太平興國九年揚州揚子縣民妻生男毛被體半寸餘而長頂

高鳶眉眉毫粗密近髮際有毛兩道軟長眼微紫唇紅厚耳鼻

大類胡僧至三歲畫圖以獻

淳化元年八月汾州悉達院僧智頭生角可長三寸

天禧四年七月衡州耒陽縣民張妻產三男其一額有白痣

方寸餘上生白髮

天聖至治平婦人生四男者二生三男者四十四生二男一女者一說者曰天下安寧無兵荒之憂人民蕃息之驗也

熙寧元年距元豐七年郡邑民家生三男者八十四而四男者一二男一女者

元豐八年至元符二年生三男者十八而四男者二三男一女者一

元符三年至靖康生三男者十九四男者一

宣和六年都城有賣青果男子孕而誕子蓐母不能收易七人始免而逝去 又有酒肆號豐樂樓酒保朱氏子之妻年四十

餘楚州人忽生髭長僅六七寸疏秀而美宛然一男子特詔度為女道士

紹興三年建康府桐林灣人產兒肉角有齒角兵象肉不可以觸者 是歲人多產鱗毛皆人病也



紹興二十年八月洋州直符縣民家一產三男

隆興元年建康民流寓行都產子二首具羽毛之形

乾道五年衡湘間有人化為虎者與唐志顯慶三年人病同占

又餘杭縣民婦產子青而毛二肉角 又有二家婦產子毛角

亦如之皆連體兩面相鄉鄉與三家纔相去一二里病氣同所

鍾也 又潮州城西婦孕過期產兒如指大五體皆具者百餘

蠕蠕能動人病之異也

淳熙十年鄱陽南鄉民產子兩肘各有二臂長十五歲每闕則

六臂並運

十三年行都有人死十四日後生 十一月辛未鄧家巷民婦

產肉塊三其一直目而橫口

十四年六月臨安府浦頭民產子生而能言四日暴長四尺

紹熙元年平江府崑山縣石工採石而山摧工壓焉三年六月

生

所工採石鄰山聞其聲呼相應答如平生報其家鑿石出之見

其妻喜曰父閉乍風肌如裂俄頃聲微噪不語化為石人貌如

慶元年饒州樂平民產子人體有尾 永州民產兒首有角

腋有肉翅

二年七月隆興府進賢縣民產子亦如之而面有三目

嘉定元年四月鎮江後軍軍生子一身二首四臂晉志謂中原

分裂應此人病也後數年金人失中原

文獻通考卷之三十八

雜錄

卷之三十八


七



集

文獻通考卷三

七



寛政戊午



